

四庫全書

子部

欽定四庫全書

子部
近思錄集註卷二

詳校官中書_臣程炎

刑部郎中_臣許兆椿覆勘

總校官編修_臣王燕緒

校對官待詔_臣胡士震

謄錄監生_臣常安

欽定四庫全書

子部一

近思錄集註

儒家類

提要

臣等謹案近思錄集註十四卷

國朝江永撰永有周禮疑義舉要已著錄案朱子年譜近思錄成於淳熙二年其後又數經刪補然各卷之中惟以所引之書為先後而不及標立篇名至淳祐間葉采纂為集解表

進於朝雖闡發不免少畧尚無所竄亂於其
間明代有周公恕者始妄加分析各立細目
移置篇章或漏落正文或淆混注語謬誤幾
不可讀永以其貽誤後學因仍原本次第為
之集注凡朱子文集或問語類中其言有相
發明者悉行採入分注或朱子說有未備始
取葉采及他家之說以補之間亦附以己意
引據頗為詳洽蓋永遠於經學究心古義穿

穴於典籍者深雖以餘力為此書亦具有實
徵與講學之家空談尊朱者異也乾隆四十

六年十一月恭校上

總纂官

臣紀昀

臣陸錫熊

臣孫士毅

總校官

臣陸

費

墀

--	--	--	--	--	--	--	--

欽定四庫全書

近思錄集註卷一

婺源江永撰

朱子曰此
卷道體

濂溪先生曰無極而太極

朱子曰上天之載無聲無臭
而實造化之樞紐品彙之根

極也故曰無極而太極非
太極之外復有無極也

太極動而生陽動極而靜靜

而生陰靜極復動一動一靜互為其根分陰分陽兩儀

生焉

朱子曰太極之有動靜是天命之流行也所謂一
陰一陽之謂道誠者聖人之本物之終始而命之

道也其動也誠之通也繼之者善萬物之所資以始也其靜也誠之復也成之者性萬物各正其性命也動極而靜靜極復動一動一靜互為其根命之所以流行而不已也動而生陽靜而生陰分陰分陽兩儀立焉分之所以一定而不移也蓋太極者本然之妙也動靜者所乘之機也太極形而上之道也陰陽形而下之器也是以自其著者而觀之則動靜不同時陰陽不同位而太極無不在焉自其微者而觀之則沖漠無朕而動靜陰陽之理已悉具於其中矣雖然推之於前而不見其始之合引之於後而不見其終之離也故程子曰動靜無端陰陽無始非知

陽變陰合而生水火木金土五氣順

布四時行焉

朱子曰有太極則一動一靜而兩儀分有陰陽則一變一合而五行具然五行者質

具於地而氣行於天者也以質而語其生之序則曰水火木金土而水木陽也火金陰也以氣而語其行之序

則曰木火土金水而木火陽也金水陰也又統而言之則氣陽而質陰也又錯而言之則動陽而靜陰也蓋五行之變至於不可窮然無適而非陰陽之道至其所以為陰陽者則又無適而非太極之本然也夫豈有所虧

久間 哉 五行一陰陽也陰陽一太極也太極本無極也五行之生也各一其性

朱子曰五行具則造化發育之具無不備矣故又即此而推本之以

明其渾然一體莫非無極之妙而無極之妙亦未嘗不各具於一物之中也蓋五行異質四時異氣而皆不能

外乎陰陽陰陽異位動靜異時而皆不能離乎太極至於所以為太極者又初無聲臭之可言是性之本體然

也天下豈有性外之物哉然五行之生隨其氣質而所稟不同所謂各一其性也各一其性則渾然太極之全體無不各具於一物之中而

性之無所不在又可見矣

無極之真二五之精妙合

而凝乾道成男坤道成女二氣交感化生萬物萬物生

生而變化無窮焉

朱子曰夫天下無性外之物而性無不在此無極二五所以混融而無間

者也所謂妙合者也真以理言無妄之謂也精以氣言不二之名也凝者聚也氣聚而成形也蓋性為之主而

陰陽五行為之經緯錯綜又各以類凝聚而成形焉陽而健者成男則父之道也陰而順者成女則母之道也

是人物之始以氣化而生者也氣聚成形則形交氣感遂以形化而人物生生變化無窮矣自男女而觀之則

男女各一其性而男女一太極也自萬物而觀之則萬物各一其性而萬物一太極也蓋合而言之萬物統體

一太極也分而言之各具一太極也所謂天下無性外之物而性無不在者於此尤可以見其全矣子思

子曰君子語大天下莫能載焉惟人也得其秀而最靈語小天下莫能破焉此之謂也

形既生矣神發知矣五性感動而善惡分萬事出矣

朱子

曰此言衆人具動靜之理而常失之於動也蓋人物之生莫不有太極之道焉然陰陽五行氣質交運而人之

所稟獨得其秀故以心為最靈而有以不失其性之全所謂天地之心而人之極也然形生於陰神發於陽五

行之性感物而動而陽善陰惡又以類分而五性之殊散為萬事蓋二氣五行化生萬物其在人者又如此自

非聖人全體太極有以定之則欲動情勝利害相攻人極不立而違禽獸不遠矣聖人定之以

中正仁義

本註聖人之道仁義中正而已矣

而主靜

本註無欲故靜

立人極焉

故聖人與天地合其德日月合其明四時合其序鬼神

合其吉凶

朱子曰此言聖人全體動靜之德而常本之於靜也蓋人稟陰陽五行之秀氣以生而聖人

之生又得其秀之秀者是以其行之也中其處之也正其發之也仁其裁之也義蓋一動一靜莫不有以全夫太極之道而無所虧焉則嚮之所謂欲動情勝利害相攻者於此乎定矣然靜者誠之復而性之真也苟非此心寂然無欲而靜則又何以酬酢事物之變而一天下之動哉故聖人中正仁義動靜周流而其動也必主乎靜此其所以成位乎中而天地日月四時鬼神有所不能違也蓋必體立而後用有以行若程子論乾坤動靜而曰不專一則不能直遂不君子修之吉小人悖之凶翕聚則不能發散亦此意爾

朱子曰聖人太極之全體一動一靜無適而非中正仁義之極蓋不假修為而自然也未至此而修之君子之所以吉也不知此而悖之小人之所以凶也修之悖之亦在乎敬肆之間而已矣敬則欲寡而理明寡之又寡動至於無則靜虛故曰立天之道曰陰與陽立地之道

曰柔與剛立人之道曰仁與義又曰原始反終故知死

生之說

朱子曰陰陽成象天道之所以立也剛柔成質地道之所以立也仁義成德人道之所以立也

道一而已隨事著見故有三才之別而於其中又各有體用之分焉其實則一太極也陽也剛也仁也物之始

也陰也柔也義也物之終也能原其始而知所以生則反其終而知所以死矣此天地之間綱紀造化流行古

今不言之妙聖人作易其大意大哉易也斯其至矣朱

曰易之為書廣大悉備然語其至誠無為朱子曰實極則此圖盡之其旨豈不深哉

為之有即幾善惡朱子曰幾者動之微善惡之所由分太極也蓋動於人心之微則天理固當發

見而人欲亦已萌乎其德愛曰仁宜曰義理曰禮通曰問矣此陰陽之象也

欽定四庫全書

卷一

智守曰信

朱子曰道之得於心者謂之德其別有是五者之用而因以名其體焉即五行之性也

性焉安焉之謂聖

朱子曰性者獨得於天安者本全於已聖者大而化之之稱此不待學問

勉強而誠無不立幾無不明德無不備者也

復焉執焉之謂賢

朱子曰復者反而至之執

者保而持之賢者才德過人之稱此思誠研幾以成其德而有以守之者也

發微不可見充

周不可窮之謂神

朱子曰發之微妙而不可見充之周徧而不可窮則聖人之妙用而不可

知者也
通書

伊川先生曰喜怒哀樂之未發謂之中中也

者言寂然不動者也故曰天下之大本發而皆中節謂

之和和也者言感而遂通者也故曰天下之達道

朱子曰喜

喜怒哀樂情也其未發則性也無所偏倚故謂之中發皆中節情之正也無所乖戾故謂之和大本者天命之性天下之理皆由此出道之體也達道者循性之謂天下古今之所共由道之用也中性也寂然不動言其體則然也和情也感而遂通言其事則然也中和以性情言寂感以心言中和蓋所以為寂感也觀言字者字可以見其微意矣問伊川言喜怒哀樂未發謂之中也者寂然不動是也南軒言伊川此處有小差所謂喜怒哀樂之中言衆人之常性寂然不動者聖人之道心又南軒辯呂與叔論中書說亦如此今載近思錄如何曰前輩多如此說不但欽夫自五峰發此論某自是曉不得今湖南學者往往守此說某看來寂然不動衆人皆有是心至感而遂通惟聖人能之衆人却不然蓋衆人雖具此心未發時已自汨亂了思慮紛擾夢寐顛倒曾無操存之道至感發處如何得如聖人中節天命之性純粹至善而具於人心者其體用之前本皆如

此不以聖愚而有加損也然靜而不知所以存之則天理昧而大本有所不立矣動而不知所以節之則人欲肆而達道有所不行矣文集下同心一也有指體而言者本註寂然不動是也

有指用而言者

本註感而遂通天下之故是也惟觀其所見何如耳朱子

曰伊川此語甚渾圓無病問心本是箇動物不審未發之前全是寂然而靜還是靜中有動意曰不是靜中有動意周子謂靜無而動有靜不是無以其未形而謂之無非因動而後有以其可見而謂之有橫渠心統性情之說甚善性是靜情是動心則兼動靜而言或指體或指用隨人所見方其靜時動之理已在及動時又只是靜底伊川此語與橫渠心統性情相似寂然不動是性感而遂通是情故橫渠云心統性情者也伊川此說最為穩當

乾天也天者乾之形體乾者天之性情乾健

也健而無息之謂乾夫天專言之則道也天且弗違是

也分而言之則以形體謂之天以主宰謂之帝以功用

謂之鬼神以妙用謂之神以性情謂之乾

朱子曰程易單說道理處

如此章天專言之則道也以下數句皆極精乾者天

火之性情是熱水之性情是寒天之性情則只是一箇

健健故不息惟健乃能不息性情二字常相參情便

是性之發非性何以有情健而不息非性何以能此

健之體便是天之性健之用便是天之情靜專便是性

動直便是情

乾坤是性情天地是皮殼

天專言之則道也所謂天命之謂性此是說道所謂天之蒼蒼此

是形體所謂惟皇上帝降衷于下民此之謂帝天專

言之則道也天且弗違是也此語某亦未敢以為然天

次定四庫全書

近思錄集註

六

且弗違此只是上天曰知性則知天此天便是專言之
則道者否曰是問以主宰謂之帝孰為主宰曰自有
主宰蓋天是箇至剛至陽之物自然如此轉運不息所
以如此必有為之主宰者這樣處要人自見得非語言
所能盡也問以功用謂之鬼神以妙用謂之神二神
字不同否曰鬼神之神此神字說得粗如繫辭言神也
者妙萬物而為言此所謂妙用謂之神也言知鬼神之
情狀此所謂功用謂之鬼神也功用兼精粗而言是
說造化妙用以其精者言其妙不可測功用言其氣
也妙用言其理也功用是有迹底妙用是無迹底鬼
神者有屈伸往來之迹如寒來暑往日往月來春生夏
長秋斂冬藏皆鬼神之功用此皆可見也忽然而來忽
然而往方如此又如彼使人不可測知鬼神之妙用也
鬼神是有箇漸次形迹神則忽然如此忽然不如此
無一箇蹤由要之亦不離於鬼神只是無迹可見勉
齋黃氏曰合而言之言鬼神則神在其中矣析而言之

則鬼神者其粗致神者四德之元猶五常之仁偏言則其妙用也易傳下同

一事專言則包四者

乾傳朱子曰要理會得仁當就粗處看如元亨利貞而元為四德

之首就初生處看便是仁如春夏秋冬春為一歲之首由是而為夏為秋為冬皆自此生出所以謂仁包四德者只緣四箇是一箇只是三箇元却有元之元元之亨元之利元之貞又有亨之元利之元貞之元曉得此意則仁包四者尤明白了問仁如何包四者曰易便說得好元者善之長義禮智莫非善這箇却是善之長又曰義禮智無仁則死矣何處更討義禮智來須是統看仁如何包得四者又却分看義禮智信如何亦謂之仁大抵於仁上見得盡須知發於剛果處亦是仁發於辭遜是非亦是仁仁是箇溫和底意思義是慘烈剛斷底意思禮是宣著發揮底意思智是收斂無痕迹底意思性中有此四者聖門却以求仁為急緣仁是四者

之先若常存得溫厚底意思到宣著發揮時便自然會宣著發揮到剛斷時便自然會剛斷到收斂時便自然會收斂若將別箇做主便都對副不著了此仁之所以包四者也且就氣上看如春夏秋冬看他四時界限又却看春如何包得三時四時之氣溫涼寒熱涼與寒既不能生物夏既又熱亦非生物之時惟春氣溫厚乃見天地生物之心到夏是生氣之長秋是生氣之斂冬是生氣之藏若春無生物之意後面三時都無了此仁所以包得義禮智也問仁何以能包四者曰人只是一箇心就裏面分為四者且以惻隱論之本只是箇惻隱遇當辭遜便為辭遜不安處便為羞惡分別處便為是非若無一箇動底醒底在裏面便也不知羞惡不知辭遜不知是非如天地只是一箇春氣發生之初為春氣發生得過便為夏收斂便為秋消縮便為冬明年又從春起渾然只是一箇發生之氣問仁包四者就初意上看就生意上看曰統是箇生意四時雖異生意則

同劈頭是春生到夏長養是長養那生底秋成遂是成遂那生底冬堅實亦是堅實那生底草木未華實去摧折他生意便死了仁義禮智都只是箇生意當惻隱而不惻隱便無生意便死了當羞惡而無羞惡這生意亦死了以至當辭遜而失其辭遜當是非而失其是非心便死全無那活底意思仁是生底意思通貫周流於四者之中須得辭遜斷制是非三者方成得仁之事問仁可以包義禮智惻隱如何可包羞惡三端曰但看羞惡時自有一般惻怛底意思便可見仁之包四德猶冢宰之統六官仁乃天地生物之心而在人者故特為衆善之長雖列於四者之目而四者不能外焉所謂專言之則包四者亦是指生物之心而言非別有包四者之仁而又別有主一事之仁也惟是即此一事便包四者此則仁之所以為妙也偏言則曰愛之理專言則曰心之德偏言專言亦不是兩箇仁小處也只是大裏面說著偏言底專言底便在裏面說著專言

底則偏言底便在裏面雖是相關又要看得界限分明如孝弟為仁之本就愛上說此是說偏言之仁至說克已復禮為仁居處恭執事敬與人忠仁人心也此是說專言之仁然雖說專言之仁所謂偏言之仁亦在裏面只是一箇言如知福州是這箇人此偏言也及專言之為九州安撫亦是這一箇人不是兩人也故明道謂義禮智皆仁也若見得此理則聖人言仁處或就人上說或就事上說皆是這一箇道理葉氏曰元者天地之生理也亨者生理之達利者生理之遂貞者生理之正也仁者人心之生理也禮者仁之節文義者仁之裁制智者仁之明辨信者仁之真實也

天所賦

為命物所受為性

乾傳萬物氣以成形而理亦賦焉猶命令

也於是人物之生因各得其所賦之理以為健順五常之德所謂性也命猶詰勅性猶職任天以此理命於

人人稟受此理則謂之性理一也自天之所賦與萬
物言之謂之命以人物之所稟受於天言之謂之性其
實所從言之鬼神者造化之迹也乾文言傳問鬼
地頭不同耳

子曰風雨霜露四時代謝又問此是迹可得而見又曰
視之不見聽之不聞何也曰說道無又有說道有又無

物之生成非鬼神而何然又去那裏討鬼神如日月
星辰風雷皆造化之迹天地之間只是此一氣耳來者

為神往者為鬼問伯有為厲此豈亦造化之迹乎曰
皆是也若論正理則似樹上忽生出花葉此便是造化

之迹又如空中忽有雷霆風雨皆是也但人所常見故
不之怪如造化之妙不可得而見於其氣之往來屈伸

者足以見之微鬼神則造化無迹矣剝之為卦諸陽消剝已盡獨有上

九一爻尚存如碩大之果不見食將有復生之理上九

亦變則純陰矣然陽無可盡之理變於上則生於下無
間可容息也聖人發明此理以見陽與君子之道不可
亡也或曰剝盡則為純坤豈復有陽乎曰以卦配月則
坤當十月以氣消息言則陽剝為坤陽來為復陽未嘗
盡也剝盡於上則復生於下矣故十月謂之陽月恐疑
其無陽也陰亦然聖人不言耳

爾雅十月為陽
復相因畢竟須經由坤

坤卦純陰無陽如此陽有斷滅朱子曰凡陰陽之生一
爻當一月須是滿三十日方滿得那腔子做得一畫成
坤卦非是無陽陽始生甚微未滿那腔子做一畫未成
然此亦不是甚深奧事但伊川當時不曾分明道與人

故今人做一件大事看陽無可盡之理伊川說得甚
精且以卦配月則剝九月坤十月復十一月剝一陽尚
存後一陽已生坤純陰陽氣闕了三十日安得謂之無
盡當細推之這一陽不是恁地生出纔立冬便萌芽上
而剝一分下而便萌芽一分上而消時亦如此但伊川說
二分積累到那復處方成一分上而消時亦如此但伊川說
欠幾句漸漸消長之意問冬至子之半如何是一陽方
生曰冬至方是結算那一陽冬至以後又漸生成二陽
過一月却成臨卦復之一陽不是頻然便生乃是自
坤卦中積來且一月三十日以復之一陽分作三十分
從小雪後便一日生一分上面趙得一分下面便生一
分到十一月半一陽始生也以此便見天地無休息處
黃天運流行本無一息間斷豈解一月無陽且如木之
落時萌芽已生了不特如此木之冬青者必先萌芽
而後舊葉方落若論變時天地無時不變不惟月變日
變而時亦有變但人不覺耳陰亦然以夫乾始推之

亦可見但聖人所以不言者這便是一箇參贊裁成之道蓋抑陰而進陽長善而消惡用君子而退小人此理自是恁地雖堯舜之世豈無小人但有聖人壓在上面不容他出而有為耳 一陽復於下

乃天地生物之心也先儒皆以靜為見天地之心蓋不

知動之端乃天地之心也非知道者孰能識之朱子曰

生物為心者也雖氣有闕闕物有盈虛而天地之心則互古互今未始有毫釐之間斷也故陽極於外而復生也其所以復者則有自來矣向非天地之心焉蓋其復者氣則陽之極也一絕而不復續矣尚何以復生於內而為闕闕之無窮乎此則動之端者乃一陽之所以動非指夫一陽之已動者而言之也問伊川以動之端為天地之心曰動亦不是天地之心只是見天地之心如十

月豈得無天地之心天地之心流行自若元亨利貞
是結實歸宿處若無這歸宿處便也無這元了惟有這
歸宿處元又從此起如此循環無窮十月萬物收斂寂
無踪跡到一陽動處生物之心始可見十月陽氣收
斂天地生物之心固未嘗息但無端倪可見惟一陽動
則生意始發露出乃始可見端倪也言動之頭緒於此
處起於此處方見天地之心也不直下動字却云動
之端雖動而物未生未到大段動處凡發生萬物都從
這裏起豈不是天地之心仁者天下之公善之本也
朱子曰伊川

此說說得渾淪開闔無病此說固好然說得太渾淪
只恐人理會不得葉氏曰仁者以天地萬物為一體
故曰天下之公四端萬善有感必有應凡有動皆為
皆統乎仁故曰善之本

性感則必有應所應復為感所感復有應所以不已也

感通之理知道者默而觀之可也

咸九四傳朱子曰凡在天地間無非感

應之理造化與人事皆是如雨便感得陽來陽已是應又感得雨來寒暑晝夜無非此理如父慈則感得子孝

子孝則感得父愈慈其理亦只一般因這一件事又生出一件事便是感與應因第二件事又生出第三件

事第二件事又是感第三件事又是應問感應之理於學者工夫有用處否曰此理無乎不在如何學者用

不得精義入神以致用也利用安身以崇德也亦是這道理

天下之理終而復始

所以恆而不窮恆非一定之謂也一定則不能恆矣惟

隨時變易乃恆道也天地常久之道天下常久之理非

知道者孰能識之

恆象傳朱子曰恆非一定之謂故晝則必夜夜而復晝寒則必暑暑而

復寒若一定則不能常也其在人冬日則飲湯夏日則飲水可以仕則仕可以止則止今日道合則從明日不合則去皆隨時變易故可以為常也所謂不易者亦須有以變通乃能不窮如君尊臣卑分固不易然上下不交也不得父子固是親親然所謂命士以上父子異宮則又有變焉惟其如此所以為恆論其體則終是恆然體之常所以為用之變用之變乃所以為體之常能常而後能變能常而不已所以能變及其變也常亦只在其中伊川却說

人性本善有不可革者何也曰

語其性則皆善也語其才則有下愚之不移所謂下愚有二焉自暴也自棄也人苟以善自治則無不可移者雖昏愚之至皆可以漸磨而進惟自暴者拒之以不信

自棄者絕之以不為雖聖人與居不能化而入也仲尼
之所謂下愚也然天下自棄自暴者非必皆昏愚也往
徃强戾而才力有過人者商辛是也聖人以其自絕於
善謂之下愚然考其歸則誠愚也既曰下愚其能革面
何也曰心雖絕於善道其畏威而寡罪則與人同也惟
其有與人同所以知其非性之罪也

革上六傳

問語

不移孟子非天之降才爾殊語意不同朱子曰孟子之
說自是與程子之說小異孟子只見得是性善便把才
都做善看不知氣稟各不同如后稷岐嶷越椒知其必
滅若敖是氣稟如此須說到氣稟方得程子說得較密

言非禮義以禮義為非而拒之以不信自賊害也吾
身不能居仁由義自謂不能而絕之以不為自棄絕也
成而自暴者剛惡之所為自棄者柔惡之所為習與性
惡之人一日而能從善則為一日之善人夫豈有終不
可移之理常從伊川之說所謂雖強戾如商辛亦有可
移之理是也孔子說不移便定是不移了人之氣質
實有如此者如何必說變得所以謂之下愚而其所以
至此下愚者便是氣質之性伊川却只說得七分不說
到底孟子却只說得性善其所言地頭各自不同如
堯舜之不可為桀紂桀紂之不可為堯舜夫子說底只
是如此伊川却又推其說須知異而不害其為同以
聖人之言觀之則曰不移而已不曰不可移也以程子
之言考之則以其不肯移而後不可移耳蓋聖人之言
本皆以氣質之東而言其品第未及乎不肯不可之辨
也程子之言則以人責其不可移也而徐究其本焉則

以其稟賦甚異而不肯移非以其稟賦之異而不能移也
葉氏曰史記稱紂資辯捷敏材力過人手格猛獸

知足以拒諫言足以飾非則其人資固非昏愚者然其勇於為惡而自絕於善要其終真下愚耳
在

物為理處物為義

良象傳 朱子曰凡物皆有理理不外乎事物之間是非可否處之得宜

所謂義也

理是在此物上便有此理義是於此物上自家處置合如此便是義便有箇區處如這棹子於理

可以安頓事物我便把他如此用便是義
楊雄言義以宜之韓愈言行而宜之之謂義若只以義為宜則義

有在外意須如程子言處物為義則是處物者在心而非外也
事之宜雖若在外然所以制其宜則在心程

子曰處物為義非此一句則後人恐未免有義外之見矣

動靜無端陰陽無始非

知道者孰能識之

朱子曰動靜無端陰陽無始說道無有有底在前是有無底在前說道無有有底在前是

箇循環物事動之前有靜靜之前又有動推而上之
其始無端推而下之以至未來之際其卒無終如云
太極動而生陽不成動以前便無靜程子曰動靜無端
蓋此亦是且自那動處說起若論著動以前又有靜靜
以前又有動仁為四端之首而智則能成終成始猶
元雖四德之長然元不生於元而生於貞蓋天地之化
不翕聚則不能發散理固然也仁智交際之間乃萬化
之機軸此理循環不窮總合無間程子所謂動靜無端
陰陽無始者此也動靜無端陰陽無始天道也始於陽成於陰
箇實理動靜無端陰陽無始天道也始於陽成於陰
本於靜流於動人道也然陽復本於陰靜復根於動其
動靜亦無端其陰陽亦無始則人蓋未始離乎天而天
亦未始離乎人
經說下同

仁者天下之正理失正理則無序而

不和

朱子曰仁者天下之正理只是汎說不是以此說
仁體此說太寬如義亦可謂天下之正理禮亦可

謂天下之正理程子說得自好只是太寬須是說仁者本心之全德人若本然天下之良心存而不失則所作爲自有序而和若此心一放只是人欲私心做出來安得有序安得有和永按此釋人而不仁如禮何人而不仁如樂何也

明道先生曰天地生物各無不足之理常

思天下君臣父子兄弟夫婦有多少不盡分處

葉氏曰分者天

理當然之則天之生物理無虧欠而人之處物每不盡理如君臣父子兄弟夫婦一毫不盡其心不當乎理是爲不盡分故君子貴精察遺書下同忠信所以進德終日乾乾而力行之也

君子當終日對越在天也蓋上天之載無聲無臭其體則謂之易其理則謂之道其用則謂之神其命於人則

謂之性率性則謂之道修道則謂之教孟子去其中又發揮出浩然之氣可謂盡矣故說神如在其上如在其左右大事小事而只曰誠之不可揜如此夫徹上徹下不過如此形而上為道形而下為器須著如此說器亦道道亦器但得道在不繫今與後已與人朱子曰此是推言許多名字只是一理而各有分別雖各有分別又却只是一箇實理誠者實理之謂也此一段只是解箇終日乾乾在天之剛健者便是天之乾在人之剛健者便是人之乾其體則謂之易便是橫渠所謂塊然太虛升降飛揚未嘗止息者自此而下雖有許多般要之形而上者謂之道形而下者謂之器皆是實理以時節

分段言之便有古今以血氣支體言之便有人已却只是箇理也此段只是解終日乾乾忠信進德修辭立誠便無間斷便是終日乾乾不必更說終日對越在天下面說上天之載云云便是說許多事都只是一箇天雖此只是解終日乾乾故說此一段從上天之載說起闔闢變化之理則謂之道其功用著見處則謂之神此皆就天上說及說到性道教是就人身上說上下說得顯著之迹看甚事都離這箇事不得神如在又皆是此理而萬事萬物都不出此故曰徹上徹下不過如此形而上者無形無影是此理形而下者有情有狀是此器然有此器則有此理有此理則有此器未嘗相離却不是於形器之外別有所謂理互古互今萬事萬物皆只是這箇所以說但得道在不係今與後已與人體是體質之體猶言骨子也易者陰陽錯綜交換代易之謂如

寒暑晝夜間往來天地之間陰陽交錯而實理流行
蓋與道為體也寒暑晝夜間往來而實理流行其間
非此則實理無所頓放故曰其體則謂之易言易為此
理之體質也體字與實字相似是該體用而言如陰
陽動靜之類畢竟是陰為體陽為用靜而動動而靜是
所以為易之體也就人身而言易猶心也道猶性也
神猶情也易者變化錯綜如陰陽晝夜雷風水火反復
流轉縱橫經緯而不已也人心則語默動靜變化不測
者是也言體則亦是形而下者其理則形而上者也
易是陰陽屈伸隨時變易大抵古今只是大闢闢小闢
闢聖人便於六十四卦只以陰陽奇耦寫出來至於所
以為陰陽為古今乃是此道理及至忽然生物如花木
之類蓊然而出花時都花實時都實生氣便發出來此
便是神此一段皆是明道體無乎不在名雖不同只
是一理發出是箇無始無終底意北溪陳氏曰道不
離乎器道只是器之理人事有形狀處都謂之器人事

中之理便是道所以明道曰道亦器器亦道
葉氏曰大小猶多少也不繫猶不拘也

醫書言

手足痿痺為不仁此言最善名狀仁者以天地萬物為
一體莫非已也認得為已何所不至若不有諸已自不
與已相干如手足不仁氣已不貫皆不屬已故博施濟
衆乃聖之功用仁至難言故止曰已欲立而立人已欲
達而達人能近取譬可謂仁之方也已欲令如是觀仁
可以得仁之體問遺書中取醫家言仁又一段云醫家以不識痛癢為不仁又以不知覺不能
義理為不仁又却從知覺上說朱子曰覺是覺於理問與上蔡說同異曰異上蔡說覺纔是此心耳問仁者

均以天地萬物為一體此即人物初生時驗之可見人物均受天地之氣而生所以同一體如人兄弟異形而皆出一父母胞胎所以皆當愛曰不須問他從初時只今便是一體猶之水江河池沼皆是此水如以兩碗盛得水來不必尋討這一碗是那裏酌來那一碗是那裏酌來既都是水便是同體如說人與物均受此氣均受此理所以皆當愛便是如此愛字不在同體上說他那物事自是愛不是同體了方愛惟其同體所以無所不愛所以愛者以其有此心也所以無所不愛者以其同體也仁者以天地萬物為一體說得太深無捉摸處易傳偏言專言又云仁者認得為已何所不至認得箇什麼夫仁者已欲立便立人已欲達便達人此即仁之體也能近取譬則是推已之恕故曰可謂仁之方欲令如是觀仁可以得仁之體這處却好看仁氣已不貫血脈都在這氣字上問博施濟眾一段程子全做仁之

體先生却分別箇體用便有用力處曰某說非破程子之說程子之說却兼得某說程說似渾淪一箇屋子某說如屋下分間架爾問集註以上一截說仁之體下一截說仁之術而程子乃合而言曰程子合而言之上下句似不相應不若分作兩截看然惟其仁者之心如此故求仁之術必如此也問於此可以得仁之體是此處見得人與已相關甚切便是生意相貫處否曰亦是只無私意理便流通然此處也是已對人說便恁地若只就自己說此又使不得蓋此是仁之發出處若未發之前只一念之私便是仁葉氏曰天地萬物與我同體心無私蔽則自然愛而公矣所謂仁也苟是理不明而為私意所隔截則形骸爾汝之分了無交涉譬如手足痿痺氣不相貫疾病痛癢皆不相關此四體之不仁也

生之謂性性即氣氣

即性生之謂也

朱子曰天之付與萬物者謂之命物之稟受於天者謂之性然天命流行必二

氣五行交感凝聚然後能生物也性命形而上者不善形而下者則形而下者也形而上者一理渾然無有不善形而下者則紛紜雜揉善惡有所分矣故人物既生則即此所稟以生之氣而天命之性存焉此程子所以發明告子所生之謂性之說而以性即氣氣即性者言之也此章內性字有指其墮在氣質中者而言有指其本原至善者而言須且分別此一字今分明不差方可予細逐項消詳生之謂性一條難說須子細看此條程子說得亦未盡生之謂性是生下來喚做性底便有氣稟夾雜便不是理底性了問性即氣氣即性此言人生性與氣混合者曰有此氣為人即理具於身方可謂之性性即氣氣即性這且是滾說性便是理氣便是氣是未分別說其實理無氣亦無所附問告子之言若果如程先生之說亦無害而渠意直是指氣為性與程子之意不同曰程子之言亦是認告子語脈小差果人生氣如此說則孟子何必排之則知其發端固非矣

稟理有善惡然不是性中元有此兩物相對而生也有

自幼而善有自幼而惡

本註后稷之克岐克嶷子越椒始生人知其必滅若教氏之類

是氣稟有然也善固性也然惡亦不可不謂之性也子朱

曰所稟之氣所以必有善惡之殊者亦性之理也蓋氣之流行性為之主以其氣之或純或駁而善惡分焉故非性中本有二物相對也然氣之惡者其性亦無不善故惡亦不可不謂之性也先生又曰善惡皆天理謂之惡者本非惡但或過或不及便如此蓋天下無性外之物本皆善而流於惡耳人生氣稟理有善惡此理字不是說實理猶云理當如此只作合字看不是兩物相對而生蓋言性善也問既言性善下却言善固性也然惡亦不可不謂之性却是言氣稟之性似與上文不接曰不是言氣稟之性蓋言性本善而今乃惡亦是此

性為惡所汨正如水為泥沙所混不成不喚做水問
惡專是氣稟不干性事如何說惡亦不可不謂之性曰
既是氣稟惡便也牽引不得那性不好蓋性只是搭附在
氣稟上所以謂濁亦不可不謂之水他原頭處都是
善因氣稟偏這性便偏了如人渾身都是惻隱而無羞
惡都羞惡而無惻隱這便是惡德這喚做性邪不是如
墨子之心本是惻隱孟子推其弊到無父處這便是惡
亦不可不謂之性也問惡亦不可不謂之性疑與孟
子抵牾曰這般處難說乍卒理會未得某初看亦自疑
但看來看去自是分明今定是不錯只著工夫子細看
蓋生之謂性人生而靜以上不容說才說性時便已不
是性也凡人說性只是說繼之者善也孟子言性善是
也夫所謂繼之者善也者猶水流而就下也朱子曰性
則理而已

矣何言語之可形容哉故善言性者不過即其發見之端而言之而性之韞固可默識矣如孟子之論四端是也觀水之流而必下則水之性下可知觀性之發而必善則性之韞善亦可知也周子言無極而太極程子又言人生而靜以上不容說蓋聖賢論性無不因心而發若欲專言之則是所謂無極而不容言者亦無體段之可名矣人生而靜只是性之未發但於此可見天性之全非真以靜狀性也人生而靜是未發時以上即是人物未生之時不可謂性才謂之性便是人生以後此理墮在形氣之中不是性之本體矣然其本體又未嘗外此要人即此而見得其不離於此者耳靜者固其性然只生字便帶却氣質了但生字以上又不容說蓋此道理未有形見處故才說性便須帶著氣質無能懸空說得性者人生而靜以上天命之本體也人物未生時只可謂之理說性未得人生而靜以上只說箇天道下性字未得所以云夫子之言性與天道

便是如此所謂天命之謂性者是說人身中指出這箇
是天命之性不雜氣稟者而言爾人有此形氣此理
始具於形氣之中而謂之性才是說性便已涉乎有生
而兼乎氣質不得為性之本體然性之本體亦未嘗雜
要人就此上面見得本體元未嘗離亦未嘗雜耳程
先生說性有本然之性有氣質之性人具此形體便是
氣質之性才說性此性字是雜氣質與本來性說便已
不是性此性字是本然之性才說氣質底便不是本
然底人生而靜以下方有形體可說如說善即是
性了方說得善凡入說性只是說繼之者善也便是
氣質了問恐是兼了情曰情便兼質了這繼字主於
人之發用處言之易說天命流行處明道却將來就
人發處說孟子言性善亦是就發處說因其發處之善
是以知其本無不善猶循流而知其源也易以天命言
程子就人言蓋人便是一箇小天地耳孟子說性便
是從中間幹出好底說故謂之善性之在人猶水之

在山其清不可得而見流出而見其清然後知其本清也所以孟子只就見孺子入井皆有怵惕惻隱之心處指以示人使知性之本善也易謂繼之者善在性之先此所引在性之後天道流行如此所以人性發見亦如此此問易與孟子就天人分上各以流出處言明道則假彼以明此耳曰然問繼之者善易與孟子之說異曰明道先生之言高遠闊闊不拘本文正意如此處多若執其方而論則所不可通者不但此句而已不容說處即性之本體如水則只是水別著一皆水也有流字不得至謂之善則性之發如水之下矣

而至海終無所汙此何煩人力之為也有流而未遠固已漸濁有出而甚遠方有所濁有濁之多者有濁之少者清濁雖不同然不可以濁者不為水也如此則人不

可以不加澄治之功故用力敏勇則疾清用力緩怠則遲清及其清也則却只是元初水也不是將清來換却濁亦不是取出濁來置在一隅也水之清則性善之謂也故不是善與惡在性中為兩物相對各自出來朱子曰此又以水之清濁譬之水之清者性之善也流而至海不污者氣稟清明自幼而善聖人性之而全其天者也流未遠而已濁者氣稟偏駁之甚自幼而惡者也流既遠而方濁者長而見異物而遷焉失其赤子之心者也濁有多少氣之昏明純駁有淺深也不可以濁者不為水惡亦不可不謂之性也然則人雖為氣所昏流於不善而性未嘗不在其中特謂之性則非其本然謂之非性則初不離是以其如此故人不可以不加澄治之功惟

能學以勝氣則知此性渾然初未嘗壞所謂元初水也
雖濁而清者存故非將清來換濁既清則本無濁故非
取濁置一隅也如此則其本善而已矣性中豈有兩物
對立而並行也哉此段引譬喻亦叢雜如說水流而
就下了又說從清濁去與就下不相續這處只認得大
意可也其言水之下與水之清亦是兩意須細分別
裏猶水流而就下也這下更欠言語須為他作文補這
裏始得蓋水之就下是喻性之善如孟子所謂過顛在
山雖不是順水之性然不謂之水不得這便是前面惡
亦不可不謂之性之說到得說水之清却依舊是譬喻
否問先生嘗云性不可以物譬明道以水喻性還有病
曰若比來比去也終有病只是不以這箇比又不能
得分曉問水流就下以後是說氣稟否若說氣稟則
生下已定安得有遠近之別曰此是夾襖說問以水
譬性天道純然一理便是水本來清陰陽五行交錯雜
揉而有昏濁便是水被泥污了昏濁可以復清者只因

他母子清曰然那下愚不移底人却是那臭穢底水問也須可以澄治曰也減得些分數舊時人裝惠山泉去京師或時臭了京師人會洗水將沙石在覓中上面傾水從覓中下去如此數十番便漸如故問下愚恐他自不肯去澄治曰那水雖臭想也未至污穢問物更推不去却似那臭泥曰是如此問此一節是說人變化氣質然變了氣質復還本然之性亦不是在外面添得曰是如此生之謂性一段當作三節看有言天命者有言氣質者生之謂性是一節水流就下是一節清濁又是一節橫渠云形而後有氣質之性善反之則天地之性存焉將此兩箇性字分別自生之謂性以下凡說性字者孰為天地之性孰為氣質之性則其理自明矣此理天命也順而循之則道也循此而修之各得其分則教也自天命以至於教我無加損焉此舜有天下而

不與焉者也

朱子曰此理天命也該始終本末而言也修雖以人事而言然其所以修者莫非

天命之本然非人私智所能為也然非聖人有不能故以舜明之問此理天命也這處方提起以此理說則

是純指上面天理而言不雜氣說曰固是又曰理離氣不得而今講學用心著力却是用這氣去尋箇道理

所引舜事非論語本文之意

觀天地生物氣象

本註周茂叔看

物氣象朱子曰他也只是偶然見如此便說出來示人而今不成只管去守看生物氣象

萬物之

生意最可觀此元者善之長也斯所謂仁也

朱子曰物之初生其

本末遠固好看及幹成葉茂便不好看如赤子入井時怵惕惻隱之心只些子仁得見時却好看到得發政施

仁其仁固廣便看不見得何處是仁仁是箇和柔底物事譬如物之初生自較和柔及至夏間長茂方始稍

堅硬秋則收結成實冬則斂藏然四時生氣無不該貫如程子說生意處非是說以生物皆能發動死物則不能如穀種蒸殺則不能生也萬物之生天命流行自始至終無非此理但初生之際淳粹未散尤易見耳如元亨利貞皆是善而元則為善之長亨利貞皆是那裏來仁義禮智亦皆善也而仁則為萬善之首義禮智皆從這裏出爾

滿腔子是惻隱之心

朱子曰惻傷之切隱痛之深所謂不忍人之心

也腔子猶言軀殼是俗語滿腔子只是言充塞周徧本來如此此就人身上指出此理充塞處最為親切若於此見得即萬物一體更無內外之分滿這箇軀殼都是惻隱之心纔觸著便是這箇物事出來大感則大應小感則小應恰似大段痛傷固是痛只如針子畧挑些血出也便痛故日用所當應接更無些子間隔癢疥疾痛莫不相關纔是有些子不通便是被些私意隔了問心所發者不一便說惻隱如何曰惻隱之心渾

身皆是無處不發如見赤子有惻隱之心見一蟻子亦
豈無此心問此莫是人生惻隱之心具足否曰如今
也恁地看事物有箇不穩當處便自覺不穩這便是惻隱
之心問處事物亦然否曰此心應物不窮若事物物
常是這箇心便是仁若有一事不如此便是不仁了
不特是惻隱之心滿腔子是羞惡之心滿腔子是辭遜
之心滿腔子是是非之心
彌滿充實都無空闕處
天地萬物之理無獨必有

對皆自然而然而非有安排也每中夜以思不知手之舞

之足之蹈之也

朱子曰東西上下寒暑晝夜生死皆是相反而相對天地間物未嘗無相對者

看得來真箇好笑問對是物也理安得有對曰如高
下小大清濁之類皆是有高必有下有大有小皆是
理必當如此如天之生物不能獨陰必有陽不能獨陽
必有陰皆是對所以有對者是理合當恁地問太極

便對甚底曰太極使與陰陽相對此是形而上者謂之道形而下者謂之器便對過却是橫對了如土便與金木水火相對蓋金木水火是有方所土却無方所亦對得過四物皆資土故也湖南學者云善無對不知惡乃善之對惡者反乎善者也一便對二形而上便對形而下然就一言之一中又自有對且如眼前一物便有背面上下內外二又各自為對雖說無獨必有對然獨中又自有對如碁盤未梢中間只空一路若似無對然此一路對了三百六十路此所謂一對萬道對器也程子謂道無對予嘗與人論此而問之曰棋局之中一路者孰為對乎其人曰是所以對夫三百六十路者云爾其言深有會於予意如此則程子之意可以推之而無窮矣天下之獨未嘗無對然又却只是一箇道理如人行出處是這腳歸亦是這腳譬如口中之氣噓則為溫吸則為寒耳

中者天下之大本天地之間亭亭當當直

上直下之正理出則不是惟敬而無失最盡

朱子曰亭亭當當此

俗語也蓋不偏不倚直上直下之意也亭亭當當直上直下皆是形容中之在我其體段如此出則不是者出便是已發發而中節只可謂之和不可謂之中矣敬而無失只是常敬便是喜怒哀樂未發之中也

伊川先生曰公則一私則萬殊人心不同如面只是私

心永按義理之正人

凡物有本末不可分本末為兩

段事灑埽應對是其然必有所以然

問其然所以然之說朱子曰灑埽應

對之事其然也形而下者也灑埽應對之理所以然也形而上者也自形而下者而言則灑埽應對之理精義入神本末精粗不可同日而語矣自夫形而上者言之則初未嘗以其事之不同而有餘於此不足於彼也曰

物有本末而本末不可分者何其也曰有本末者其然之事也不可分者以其悉具所以然之理也須是就事上理會道理非事何以識理灑埽應對末也精義入神本也不可說這箇是末不足理會只理會那本又不可說這末便是本但學其末則本便在此也問所以然者是如何曰若無誠意如何灑埽應對治心修身是本灑埽應對是末皆其然之事也至於所以然則理也理無精粗本末皆是一貫

楊子拔一

毛不為墨子又摩頂放踵為之此皆是不得中至如子

莫執中欲執此二者之中不知怎麼執得識得則事事

物物上皆天然有箇中在那上不待人安排也安排著

便不中矣

朱子曰子莫執中問時中如何曰中字最難正是安排尋討

識須是默識心通且試言一廳則中央為中一家則廳

中非中而堂為中言一國則堂非中而國之中為中推

此類可見矣如三過其門不入在禹稷之世為中若居

陋巷則非中也居陋巷在顏子之時為中若三過其門

不入則非中也

朱子曰居陋巷則似楊氏三過其門不入則似墨氏要之禹稷似兼愛而非兼

愛顏子似為我而非為我

无妄之謂誠不欺其次矣

本註李邦直云不欺之謂

誠便以不欺為誠徐仲車云不息之謂誠中庸言至誠無息非以無息解誠也或以問先生先生曰云云朱

子曰无妄者聖人也謂聖人為无妄則可謂聖人為不欺則不可問此所謂誠者天之道思誠者人之道曰然

无妄是自然之誠不欺是著力去做底非无妄故能誠无妄便是誠無妄是四方八面都去得不欺猶是兩箇物事相對无妄魚天地萬物所同得底渾淪道理不欺是就一邊說問不欺是就人身說否曰然无妄自是我无妄故誠不欺者對物而言之故次之

沖漠無朕萬象森然已具未

應不是先已應不是後如百尺之木自根本至枝葉皆是一貫不可道上面一段事無形無兆却待人旋安排

引入來教入塗轍既是塗轍却只是一箇塗轍

朱子曰此一段

只是說無極而太極此言未有這事先有這理如未有君臣父子已先有君臣父子之理不成元無此理直待有君臣父子却旋將道理入在裏面未應是未應此事已應是已應此事未應固在先却只是後來事已

應固是後却只是未應時理未
有事物之時此理已具少間應處只是此理所謂塗轍即是所由之路如父之慈子之孝只是一條路從源頭下來既是塗轍却只是一箇塗轍如既有君君臣臣底塗轍却不是元君臣之理也是這一箇事便只是這一箇道理精粗一貫元無兩樣今人只見得前面一段事無形無兆將謂是空蕩蕩却不知道沖漠無朕萬象森然已具如釋氏便只說空空老氏便只說無却不知道莫實於理既是轍恐是記者欠了字

近取諸身百理皆具屈伸往來

之義只於鼻息之間見之屈伸往來只是理不必將既屈之氣復為方伸之氣生生之理自然不息如復卦言七日來復其間元不斷續陽已復生物極必返其理須

如此有生便有死有始便有終

問屈伸往來氣也程子云只是理何也朱子曰

其所以屈伸往來者是理必如此一陰一陽之謂道陰陽氣也其所以一陰一陽循環而不已乃道也氣須

有屈伸要之方伸之氣自非既屈之氣氣雖屈而物亦自一面生出此所謂生生之理自然不息也此段為

橫渠形潰反原之說而發也果齋李氏曰往而屈者其氣已散來而伸者其氣方生生之理自然不窮若

以既屈之氣復為方伸之氣則是天地間只有許多氣來來去去造化之理不幾於窮乎釋氏不明乎此所以

有輪回之說永按程子破張子形潰反原之說固為正論而人物間有投生者又別有理理固有常有變也

但學者不可以此溺其心爾明道先生曰天地之間只有一箇感

與應而已更有甚事

朱子曰陰陽之變化萬物之生成情偽之相通事為之終始一為感

則一為應循環相代所以不已也
應寤寐語默動靜亦然譬如氣聚則風止風止則氣復

聚
問感只是內感曰不專是內感固有自外感者
問仁伊川先生曰此在諸

公自思之將聖賢所言仁處類聚觀之體認出來孟子

曰惻隱之心仁也後人遂以愛為仁愛自是情仁自是

性豈可專以愛為仁孟子言惻隱之心仁之端也既曰

仁之端則不可便謂之仁退之言博愛之謂仁非也仁

者固博愛然便以博愛為仁則不可
朱子曰不可便以愛為仁此正謂不

可認情為性耳非謂仁之性不發於愛之情而愛之情
不本於仁之性也仁便是愛之體愛便是仁之用

仁離愛不得上蔡諸公不把愛做仁他見伊川言博愛非仁也伊川也不是道愛不是仁若當初有人會問必說道愛是仁之情仁是愛之性如此方分曉

問仁與心何異曰心譬如穀

種生之性便是仁陽氣發處乃情耳

朱子曰心性以穀種論則包裏底是

心有秋種有粳種隨那種發出不同這便是性心是箇發出底他只會生又如服藥喫了會治病此是藥力或溫或涼便是藥性至於喫了有溫證涼證這便是情以穀種譬之一粒穀春發生夏成苗秋結實冬收藏生意依舊包在裏面每箇穀子裏有一箇生意種而後生穀種之喻甚善若有這種種在這裏何患生理不存問仁者生之理而動之機曰這自是難說若要見得分明只看程先生說心譬如穀種生之性便是仁便分明若更要真實識得仁之體只看夫子說克己復理克去己私如何便喚仁曰若如此看則程子所謂公字愈覺

親切曰公也只是仁底穀子盡他未得在畢竟裏面是箇甚物事生之性也只是狀得仁之體生之性便是愛之理

義訓宜禮訓別智訓知仁當何訓說者謂訓覺

訓人皆非也當合孔孟言仁處大槩研窮之二三歲得

之未晚也

問仁當何訓朱子曰不必須用一字訓但要識得大意通透覺決不可以言仁雖足以知

仁自屬智了

仁是愛之體覺自是智之用仁統四德故仁則無不覺然便以覺為仁則不可永按中庸以

人訓仁猶之以宜訓義古人訓字多用諧聲苟識得大意則人字未嘗不可訓要之仁字之義朱子心之德愛

之理二言盡之矣

性即理也天下之理原其所自未有不善

喜怒哀樂未發何嘗不善發而中節則無往而不善凡

言善惡皆先善而後惡言吉凶皆先吉而後凶言是非

皆先是而後非

本註易傳曰成而後有敗敗非先成者也得而後有失非得何以有失也朱

子曰性即理也在心喚做性在事喚做理性即理也孟子後無人見得到此亦自古無人敢如此道性

即理也四字攔摸不破實自己身上見得出來性即理也一語真是自孔子後惟是伊川說得盡這一句便

是千萬世說性根基問所謂理者仁義禮智是也不知是否曰四者固性之綱維然其中無所不包更詳味

之未發之前氣不用事所以有善而無惡

問心有善惡否曰在天為命

在義為理在人為性主於身為心其實一也心本善發

於思慮則有善有不善若既發則可謂之情不可謂之

心譬如水只可謂之水至如流而為派或行於東或行

於西却謂之流也

朱子曰疑此段微有未穩處蓋凡事莫非心之所為雖放僻邪侈亦是心

之為也便是善惡但如反覆手耳翻一轉便是惡只安頓不著也便是不善如當惻隱而羞惡便不是問心之用雖

有不善亦不可謂之非心否曰然問看來不善之發有二有自思慮上不知不覺自發出來者有因外誘然

後引動此思慮者曰謂發處有兩端固是然畢竟從思慮發者也只在外面底天理渾是一箇只不善便是

從天理出來便是出外底了問思慮從心生心若善思慮因何有不善曰思慮以文物而蔽故有不善問

既發則可謂之情不可謂之心如何曰心是貫徹上下不可只於一處看既發則可謂之情不可謂之心此

句亦未穩又曰是亦記者之誤既發不性出於天可不謂之心但有不善則非心之本體

才出於氣氣清則才清氣濁則才濁才則有善有不善

性則無不善

朱子曰程子此說才字與孟子本文小異蓋孟子專指其發於性者言之故以為才

無不善程氏專指其發於氣者言之則人之才固有昏明強弱之不同矣張子所謂氣質之性是也二說雖殊各有所當然以事理考之程氏為密蓋氣質所稟雖有不善而不害性之本善性雖本善而不可以無省察矯揉之功學者所當深玩也孟子論才是本然者不如程子之備曰然則才亦稟於天乎曰皆天所為但理與氣分為兩路又問程子謂才稟於氣如何曰氣亦天也問性之所以無不善者以其出於天也才之所以有善有不善以其出於氣也要之性出於天氣亦出於天何故便至於此曰性是形而上者氣是形而下者形而上者全是天理形而下者只是渣滓至於形又是渣滓至濁者也一般能為謂之才才之初亦無不善緣他

氣稟有善惡故才亦有善惡孟子自其同者言之故以
為出於性程子自其異者言之故以為稟於氣要之須
兼是二者言之方備只緣孟子不曾說到氣上覺得此
段說話無結段故有後來荀揚韓許多議論氣質之性
古人雖不曾說考之經典却有此意如書云惟人萬物
之靈亶聰明作元后與夫天乃錫王勇知之說皆此意
也孔子謂性相近習相遠孟子辨告子生之謂性亦是
說氣質之性近世被濂溪拈綴出來橫渠二程始有氣
質之說此伊川論才所以云有善有不善者蓋主此而
言也 氣稟之殊其類不一非但清濁二字而已今人
有聰明通達事曉了者其氣清矣而所為或未必皆
中於理則是其氣之不醇也人有謹厚忠信事事平穩
者其氣醇矣而所知未必皆達於理則是 性者自然
其氣之不清也推此類以求之才自見矣

完具信只是有此者也故四端不言信

問四端不言信
朱子曰如惻隱

真箇惻隱羞惡真箇羞惡此便是信曰此却是已發時
方有這信曰其中真箇有此理信是箇真實無妄底
道理如仁義禮智皆真實而無妄故信字更不須說
信是誠實此四者實有是仁實有是義禮智皆然如五
行之有土非土不足以載四者又如土於四時各王十
八日四端之信猶五行之土無定位無成名無專氣
而水火金木無不待是以生者故土於四行無不在於
四時則寄王焉其理亦猶是也五行非土不立而土
無定位五常非信不有而信非一端故曰
誠者物之終始不誠無物亦可以觀矣
心生道也

有是心斯具是形以生惻隱之心人之生道也
朱子曰

也此句是張思叔所記疑有欠闕處問何故入在近思
錄中曰如何敢不載但只恐有闕文此四字說不盡
心生道也謂天地以生物為心而人得之以為心者
天地生物之心是仁人之稟賦接得此天地之心方能

有生故惻隱之心在人亦為生道也
生之道惻隱之心人之生道也乃是得天之心以生生
物便是天之心上面心生道也全然做天底也不得
蓋理只是一箇渾然底人與天地混合無間問生道
者是本然也所以生者也曰是人為天地之心意永
按又有一條云有是心斯具是形以生是心乃屬天地
未屬在我
疑非定說

橫渠先生曰氣塊然太虛升降飛揚未嘗

止息此虛實動靜之機陰陽剛柔之始浮而上者陽之
清降而下者陰之濁其感遇聚結為風雨為霜雪萬品

之流形山川之融結糟粕煨燼無非教也
然朱子曰氣塊

飛揚未嘗止息此張子所謂虛空即氣也蓋天在四畔
地居其中減得一尺地遂有一尺氣但人不見耳此是

未成形者問虛實以陰陽言否曰以有無言及至浮而
上升而下則已成形者若所謂山川之融結糟粕煨燼
即是氣之渣滓要之皆是示人以理問言機言始莫是
生人物者未嘗止息但人不見耳
說理否曰此本只是說氣理自在其中一箇動一箇靜
便是機處無非教也教便是說理此等言語都是經鍛
鍊底語須熟念細看問氣块然太虛此是言天地未
判之時為復亘古今如此曰只是統說只今便如此問
升降者是陰陽之兩端飛揚者是游氣之紛擾否曰此
只是說陰陽之兩端下文虛實動靜二句此正是說陰
陽之兩端到得為雨露霜雪流形融結却正是說游氣
之紛擾者也問虛實動靜兩句欲云虛實動靜乘此
氣以為機陰陽剛柔資此氣以為始可否曰此兩句只
一般實與動便是陽虛與靜便是陰但虛實動靜是言
其用陰陽剛柔是言其體而已問始字之義曰只是說
如箇生物底母子相似萬物都從這裏生出上去上文說

升降飛揚便含這虛實動靜兩句在裏而了所以虛實動靜陰陽剛柔者便是這升降飛揚者為之非兩般也至浮而上者兩句便是例問無非教也都是道理在上而發見曰然精底都從粗底上發見道理都從氣上流行雖至粗底物無非是游氣紛擾合而成質者生道理發見正蒙下同

人物之萬殊其陰陽兩端循環不已者立天地之大義

問此段是說氣與理合朱子曰此段專是說氣未及言理生人物之萬殊言氣到此已是渣滓粗濁者去生人物立天地之大義此說氣之本上章亦是發明此意游氣陰陽陰陽即氣也豈陰陽之外復有游氣所謂游氣者指其所以賦與萬物一物各得一箇性命便有一箇形質此氣合而成之也雖是如此而所謂陰陽兩端成片段滾然出來者固自若也亦猶論太極物物皆有之而太極之體未嘗不存也晝夜運而無息者便是

陰陽之兩端其散出紛擾者便是游氣以生人物之萬殊正如麴磨相似其四邊只管撒出正如天地之氣運轉無已只管生出人物其中有粗有細故人物有偏有正有精有粗循環不已者乾道變化也合而成質者各正性命也陰陽循環如磨游氣紛擾如磨中出者易曰陰陽相摩八卦相盪鼓之以雷霆潤之以風雨日月運行一寒一暑此陰陽之循環也乾道成男坤道成女此游氣之紛擾也游是散殊此如水車一上一下只管滾轉便是循環不已中間帶得水灌溉所在便是生人物之萬殊天地之間二氣只管渾轉不知不覺生出人物即他這箇幹轉便是生物時節游氣自裏而底如扇相似扇便是立天地之大義底扇出風來便是生人物底游氣是氣之發散生物底氣游亦流行之意紛擾者參錯不齊既生物便是游氣若是生物常運行而不息者二氣初無增損也游氣陰陽固是一物橫渠言游氣紛擾合而成質是指陰陽交會言之陰陽

兩端循環不已是指那分開底說橫渠說得稍支離只合云陰陽五行循環錯綜升降往來所以生人物之萬殊立天

地之大義

天體物不遺猶人體事而無不在也禮儀

三百威儀三千無一物而非仁也昊天曰明及爾出王

昊天曰旦及爾游衍無一物之不體也

朱子曰此數句是從赤心片片

說出來荀揚豈能到

體物猶言為物之體也蓋物物

有箇天理體事謂事事是仁做出來凡言體便是做他

骨子

天體在物上仁體在事上猶言天體於物仁體

於事本是言物以天為體事以仁為體須著從上說故

如此下語

體物猶言幹事事之幹也

問仁體事而無不在曰只是未理會得這一字了則

到處都理會得

禮儀三百威儀三千須得仁以為骨

子

往來游衍無非是理無一物之不體猶言無一物

不將這箇做骨

鬼神者二氣之良能也

朱子曰往來屈伸乃理之自然非有安排

布置故曰良能

屈伸往來是二氣自自然能如此問鬼神是功用良能曰但以一屈一伸看一伸去便生許

多物事一屈來更無一物便是良能功用伊川謂鬼神者造化之迹却不如橫渠所謂二氣之良能程子之說固好但渾論在這裏張子之說分明便見有箇陰陽在物之初生氣日至而滋

息物生既盈氣日反而游散至之謂神以其伸也反之

謂鬼以其歸也

朱子曰造化之妙不可得而見然其氣之往來屈伸者足以見之微鬼神則造

化無迹矣橫渠物之初生一章尤說得分曉問此息字是生息之息曰然

橫渠言至之謂神反之謂鬼固

是然雷風山澤亦有神今之廟貌亦謂之神亦以方伸之氣為言耳此處要錯綜周徧而觀之伸中有屈屈中

欽定四庫全書

近思錄集註

有仲仲中有屈如人有魄是也屈中有仲如鬼而有靈是也天下萬事萬物只是箇陰陽消息屈伸橫渠將

屈伸說得貫通人死便是鬼神考來格便是神

性者萬物之一源非有我

之得私也惟大人為能盡其道是故立必俱立知必周

知愛必兼愛成不獨成彼自蔽塞而不知順吾性者則

亦未如之何矣

問性為萬物之一源朱子曰所謂性者人物之所同得非惟已有是而人亦有

是非惟人有是而物亦有是按自蔽塞謂惟知有我之私也

永

一故神譬之人身

四體皆一物故觸之而無不覺不待心使至此而後覺

也此所謂感而遂通不行而至不疾而速也

問一故神朱子曰一

是一箇道理却有兩端用處不同譬如陰陽陰中有陽陽中有陰陽極生陰陰極又生陽所以神化無窮發於心達於氣天地與吾身共只是一圓物事所謂鬼神者只是自家氣自家心下思慮才動這氣即數於外自然有所感通一故神橫渠說得極好但近思錄所載與本書不同當時緣伯恭不肯全載故後來不曾與他添得一故神橫渠親注云兩在故不測只是一物却周行乎事物之間如陰陽屈伸往來上下以至於行乎什伯千萬之中無非這一箇物事所以謂兩在故不測兩故化注云推行乎一凡天下事一不能化惟兩而後能化雖是兩箇要之亦是推行乎此一 心統性情者也耳說得極精須子細看橫渠易說 心統性情者也朱子曰心統性情語最精密橫渠此句乃不易之論孟子說心許多皆未有似此語端的子細看便見其他諸子等書皆無依稀似此 心統性情二程却無一句似此切統猶兼也 性是體情是用性情皆出於心故

心能統之統如統兵之統言有以主之也仁義禮智是性孟子曰仁義禮智根於心惻隱四端是情孟子曰惻隱之心云云以此見得心統性情一心之中自有動靜者性也動者情也性者心之理情者心之動心者性情之主凡物有心而其中必虛人心亦然只這虛處便包藏許多道理彌綸天地該括古今推廣得來蓋天蓋地莫不由此此所以為人心之妙與理在人心是之謂性性如心之田地充此中虛莫非是理而已心是神明之舍為一身之主宰性便是許多道理得之於天而具於心者發於智識念慮處皆是情故曰心統性情先生取近思錄心統性情之語示學者或問曰心之未發則屬乎性既發則情也曰是此意舊看五峯說只將心對性說一箇情字都無下落後來看橫渠心統性情之說乃知此話大有功始尋得箇情字着落與孟子說一般又曰古人制字亦先制得心字性與情皆從心

凡物莫不有是性由通

蔽開塞所以有人物之別由蔽有厚薄故有知愚之別
塞者牢不可開厚者可以開而開之也難薄者開之也

易開則達於天道與聖人一

朱子曰此似欠了生知之

別得分曉呂曰蔽有淺深故為昏明蔽有開塞故為人
物問通蔽開塞橫渠與呂共闕說孰為親切曰與叔

倒分明似橫渠之說看來塞中也有通處如猿狙之性
則靈猶則全然蠢了本乎天者親上本乎地者親下如

人頭向上所以最靈草木頭向下所以最無知禽獸頭
橫所以無知猿狙稍靈為他頭有時也似人故稍向得

上問人物之性一源何以有異曰人之性論明暗物
之性只是偏塞暗者可使之明已偏塞者不可使之通

橫渠言凡物莫不有是性云云至薄者開之也易是也
問人物皆稟天地之理以為性皆受天地之氣以為

形若人品之不同固是氣有昏明厚薄之異若在物言之不知是所稟之理便有不全耶亦是緣氣稟之昏蔽故如此耶曰惟其所受之氣只有許多故其理亦只有許多又問物物具一太極則是理無不全曰謂之全亦可謂之偏亦可以理言之則無不全以氣言之則不能無偏故呂與叔謂物之性有近人之性者人之性有近物之性者問氣質有不同則天命之性有偏全否曰亦非有偏全謂如日月之光在露地盡見之若在蔀屋之下則有見有不見在人則蔽塞有可通之理至於禽獸亦是此性被他形體所拘蔽隔之甚無可通處至於虎狼之仁豺獾之祭蜂蟻之義却只通這些子譬如一隙之光至於獼猴形狀類人便最靈於他物若昏愚之人便在人與禽獸之間所以終難改

近思錄集註卷一

欽定四庫全書

近思錄集註卷二

婺源江永撰

朱子曰此卷
為學大要

濂溪先生曰聖希天賢希聖士希賢

朱子曰希望伊尹也字本作晞

顏淵大賢也伊尹恥其君不為堯舜一夫不得其所若

撻于市顏淵不遷怒不貳過三月不違仁

朱子曰說見書及論語皆

賢人之

志伊尹之所志學顏子之所學

朱子曰此言過士希賢也

則聖及則賢不及則亦不失於令名

朱子曰三者隨其用力之淺深以為

所至之近遠不失令名以其有為善之實也

胡氏曰

周子患人以發策決科榮身肥家希世取寵為事也故曰志伊尹之所志患人以廣聞見工文辭矜智能慕空寂為事也故曰學顏子之所學人能志此志而學此學則知此書之包括至大而通書下同

聖人之道入乎耳存乎心

蘊之為德行之為事業彼以文辭而已者陋矣

朱子曰欲

人知道義之重而不溺於文辭之陋也

或問聖人之門其徒三千獨稱

顏子為好學夫詩書六藝三千子非不習而通也然則

顏子所獨好者何學也伊川先生曰學以至聖人之道

也聖人可學而至歟曰然學之道如何曰天地儲精得

五行之秀者為人

朱子曰天地儲蓄得二氣之精聚故能生出萬物得五行之秀者為人只

說五行不言陰陽者蓋做這人須是五行方做得成然陰陽便在五行中所以周子云五行一陰陽也其

本也真而靜其未發也五性具焉曰仁義禮智信朱子曰其

本也真而靜是說未發真便是不雜無人偽靜便是未

感真靜兩字不同真指本體而言靜但言其初未感

乎物未發即靜之謂五性即真之謂仁義禮智信者未

發之蘊而性之真也五性便是真未發便是靜只是

說形既生矣外物觸其形而動其中矣其中動而七情

出焉曰喜怒哀懼愛惡欲情既熾而益蕩其性鑿矣問性

上如何說鑿朱子曰性固不可鑿但是故覺者約其情人不循此理任意妄作去傷了他耳

使合於中正其心養其性愚者則不知制之縱其情而

至於邪僻梏其性而亡之然學之道必先明諸心知所

往然後力行以求至所謂自明而誠也朱子曰覺者約其情使合於中

正其心養其性方是大綱說學之道必先明諸心知所往然後力行以求至便是詳此意一本作知所養恐往

字為是往與行字相應明諸心知所誠之之道在乎往窮理之事也力行求至踐履之事也

信道篤信道篤則行之果行之果則守之固仁義忠信

不離乎心造次必於是顛沛必於是出處語默必於是

久而弗失則居之安動容周旋中禮而邪僻之心無自
生矣故顏子所事則曰非禮勿視非禮勿聽非禮勿言
非禮勿動仲尼稱之則曰得一善則拳拳服膺而弗失
之矣又曰不遷怒不貳過有不善未嘗不知知之未嘗
復行也此其好之篤學之之道也然聖人則不思而得
不勉而中顏子則必思而後得必勉而後中其與聖人
相去一息所未至者守之也非化之也以其好學之心
假之以年則不日而化矣

朱子曰聖人無怒何待於不
遷聖人無過何待於不貳所

以不遷不貳者猶有意存焉所謂守之非化之也
守之非化之曰聖人則無這箇顏子則疑於遷貳與不
遷貳之間大而化之理與已一其未化者如人操尺
度量物用之尚未免有差若至於化者則已便是尺度
尺度便是已顏子未化後人未達以謂聖本生知非學
若化則便是仲尼也

可至而為學之道遂失不求諸已而求諸外以博聞強

記巧文麗辭為工榮華其言鮮有至於道者則今之學

與顏子所好異矣

或謂人不知性故怠於希聖之學而樂於希名慕利之學朱子曰不是他

樂於希名慕利之學是他不知聖之可學別無可做只得向那裏去固曰世上萬般皆下品若見得這道理高見世間萬般皆低故這一段緊要處只在先明諸心上蓋先明諸心了方知聖之可學有下手處方就這裏做

工夫好學論是程子十八歲時已做得這文好這箇說話便是所以為學之本惟知所本然後可以為學

此論說得條理只依此學便可以終其身也

文集下同

橫渠先生問於明道先

生曰定性未能不動猶累於外物何如明道先生曰所謂定者動亦定靜亦定無將迎無內外苟以外物為外牽已而從之是以已性為有內外也且以性為隨物於外則當其在外時何者為在內是有意於絕外誘而不知性之無內外也既以內外為二本則又烏可遽語定哉

問聖人動亦定靜亦定所謂定者是體否朱子曰是曰此是惡物來感時定抑善惡來皆定曰惡物來不

感這裏自不接曰善物則如何曰當應便應有許多分
數來便有許多分數應這裏自定曰子哭之慟何以見
其為定曰此是當應也問聖人定處曰知止而后有
定只看此一句便了得萬物各有當止之所知得則此
心自不為物動曰舜號泣于旻天象憂亦憂象喜亦喜
當此時何以見其為定曰此是當應而應當應而應便
是定若不當應而應便是亂了當應而不應則又是死
了西山真氏曰定性者理定於中而事不能惑也理
定於中靜時固定動時亦未嘗不定也不隨物而往不
先物而動故曰無將迎理自內出而周於事事自外來
而應以理理即事事即理也故曰無內外勉齋黃氏
曰此書分七段讀此首段定性字當作定心看若以心
有內外不惟未可語夫天地之常以其心普萬物而無
定亦且不識心矣

心聖人之常以其情順萬事而無情故君子之學莫若

擴然而大公物來而順應

問普萬物莫是以心周徧而無私否朱子曰天地以此心

普及萬物人得之遂為人之心得之遂為物之心只是一箇天地之心耳今須要知得他有心處又要知得

他無心處擴然而大公是寂然不動物來而順應是感而遂通所謂普萬物順萬事者即擴然而大公之

謂所謂無心無情者即物來而順應之謂問大公順應學者卒未到此奈何曰雖未到此規模也是恁地只

是除却私意事物之來順他道理應之且如有一事自家見得道理是恁他却有箇偏曲底意思要為那人便

是不公便逆了這道理不能順應聖人自有聖人大公賢人自有賢人大公學者自有學者大公曰學者大公

當如何曰也是存心得這箇在克去私意這兩句是有頭有尾說話大公是包說順應是就裏面細說勉齋

黃氏曰此第二段此書大意不過此二句擴易曰貞吉然大公是不絕乎物物來順應是不累乎物

悔亡憧憧往來朋從爾思苟規規於外誘之除將見滅

於東而生於西也非惟日之不足顧其端無窮不可得

而除也

朱子曰往來不合著憧憧了便是私意擴然大公便不是憧憧物來順應便不是朋從爾思

勉齋黃氏曰此第三段引易以結上段之意貞吉則虛中無我不絕乎物而亦不累乎物也憧憧則累乎物矣

人之情各有所蔽故不能適道大率患在於自私而用

智自私則不能以有為為應迹用智則不能以明覺為

自然今以惡外物之心而求照無物之地是反鑑而索

照也

問自私則不能擴然大公所以不能以有為為應迹用智則不能物來順應所以不能以明覺為自

然朱子曰然應迹謂應事物之迹若心則未嘗動也
問程子謂釋氏自私先生嘗以此自私說得較粗是
常人之自私自然細思之如自私則不能以有為為應迹
用智則不能以明覺為自然亦自說得煞恐只是釋氏
之自私曰此說得較闊兼兩意也是見橫渠說得有這
病故如此說問反鑑索照亦是說絕外物而求定之意
曰然但所謂自私而用智如世人一等嗜慾也是如異
端絕滅外物也是若廓然大公物來順應便上不論於
空寂下不累於物欲勉齋黃氏曰此第四段只是與
前二段相反自私便是求絕乎物用智是反累乎物不
能以有為為應迹故求絕乎物不
能以明覺為自然故反累乎物
易曰艮其背不獲其
身行其庭不見其人孟子亦曰所惡於智者為其鑿也
與其非外而是內不若內外之兩忘也兩忘則澄然無

事矣無事則定定則明明則尚何應物之為累哉

朱子曰

背云云易中只是說艮其止止其所人之四支百骸皆能動作惟背不能動止於背是止得其常止之所明道

定性書舉其語是此意伊川說却不同問內外兩忘是內不自私外應不鑿否曰是大抵不可以內者為

是在外者為非只得隨理順應勉齋黃氏曰此第五段亦引易以結上文艮不獲其身則無我無我則不自

私用智而鑿則不以明覺為自然故不若內外之兩忘也聖人之喜以物之當喜聖

人之怒以物之當怒是聖人之喜怒不繫於心而繫於

物也是則聖人豈不應於物哉烏得以從外者為非而

更求在內者為是也今以自私用智之喜怒而視聖人

喜怒之正為何如哉

問聖人恐無怒容否朱子曰怎生無怒容合當怒時必亦形於色如

要治那人之罪自為笑容則不可曰如此則恐涉忿怒之氣否曰天之怒雷霆亦震舜誅四凶當其時亦須怒

但當怒而怒便中節事過便消了更不積血氣之怒不可有義禮之怒不可無勉齋黃氏曰此第六段以

聖人喜怒明其擴然大公物來順應也夫人之情易發而難制者惟怒為

甚第能於怒時遽忘其怒而觀理之是非亦可見外誘

之不足惡而於道亦思過半矣

朱子曰舊時謂觀理之是非才見已是而人非

則其爭愈力後來看不如此如孟子所謂我必不仁也自反而仁其橫逆由是也則曰此亦妄人而已矣若

知其理之曲直不必校却好若見其直而又怒則愈甚此明道為學者理未甚明底說言於怒時且權停問

這怒而觀理之是非少間自然見得當怒不當怒蓋怒氣易發難制如水之澎湃能權停閤這怒則如水漸漸歸港勉齋黃氏曰此第七段未嘗無怒而觀理是非則未至於聖人而於道思過半矣此段專說順應一邊然未嘗不怒則是大公文公舊說則魚大公順應而言蓋以遽忘其怒為大公也總論朱子曰定性者存養之功至而得性之本然也性定則動靜如一而內外無間矣天地之所以為天地聖人之所以為聖人不以其定乎君子之學亦以求定而已矣故擴然而大公者仁之所以為體也物來而順應者義之所以為用也仁立義行則性定而天下之動一矣所謂貞也夫豈為是急於外誘之除而反為是憧憧哉然常人之所以不定者非其性之本然也自私以賊夫仁用智以害夫義是以情有所蔽而憧憧耳不知自反以去其蔽傾以惡外物為心而反求照於無物之地亦見其用力愈勞而燭理愈昧益以憧憧而不自知也艮其背則不自私矣行所無

事則不用智矣。內外兩忘，非忘也。一循於理，不是內而非外也。不是內而非外，則大公而順應。尚何事物之為累哉？聖人之喜怒，大公而順應天理之極也。衆人之喜怒，自私而用智，人欲之盛也。忘怒則公，觀理則順。二者所以為自反而去蔽之方也。夫張子之於道，固非後學所敢議。然意其彊探力取之意，多涵泳完養之功，少故不能無疑於此。程子以是發之，其旨深哉。問定性，書是正心誠意工夫。否曰：是正心誠意以後事。問定性，所論固是。不可有意於除外誘。然此說位高者之事。在初學，恐亦不得不然。否曰：初學也不解如此。外誘如何？除得有當應者也。只得順應，便看理如何。此篇大綱，只在擴然而大。公物來而順應，兩句其他引易孟子皆是如此。末謂第能於怒時遽忘其怒，而觀理之是非，一篇着力緊要，只在此一句。遽忘其怒，便是擴然大公觀理之是非，便是物來順應。明道言語渾淪，子細看節節有條理。明道意言不惡事物，亦不逐事物。令人惡則全絕。

之逐則又為物引將去惟不拒不流泛應曲當則善矣
蓋橫渠有意於絕外物而定其內明道意以為須是內
外合一動靜皆定則應物之際自然不累於物苟只靜
時能定則動時恐被物引去矣 定性書一篇中都不
見一箇下手處或云擴然大公兩句是下工夫處否曰
這是說已成處今人私欲萬端如何得大公所見與理
皆背馳如何得順應曰這便是先生前日所謂也須存
得這箇在曰也不由你存這須是見得須是知得天下
之理都著一毫私意不得方是所謂知止而后有定也
自私用智此書首尾只此兩項明道文字多只成片
說去細看中間自有路脈貫串將去大公順應自後許
多話都是此二句意引易是說大公引孟子是說順應
忘怒是應大公觀理是應順應 明道此書自胸中瀉
出如有物在後逼逐他相似皆寫不辦直卿云此所謂
有造道之言曰然問此書難理會曰也不難定性字
說得詫異此性字是箇心字意明道言語甚圓轉初讀

未曉得子細看却成段相
應此書在郭時作年甚少

伊川先生荅朱長文書曰

聖賢之言不得已也蓋有是言則是理明無是言則天下之理有闕焉如彼耒耜陶冶之器一不制則生人之道有不足矣聖賢之言雖欲已得乎然其包涵盡天下之理亦甚約也後之人始執卷則以文章為先平生所為動多於聖人然有之無所補無之靡所闕乃無用之贅言也不止贅而已既不得其要則離真失正反害於道必矣來書所謂欲使後人見其不忘乎善此乃世人

之私心也夫子疾沒世而名不稱焉者疾沒身無善可

稱云爾非謂疾無名也名者可以厲中人君子所存非

所汲汲

君子學以為己苟求人知則是私心而已

內積忠信所以進德也擇言

篤志所以居業也知至至之致知也求知所至而後至之知

之在先故可與幾所謂始條理者知之事也知終終之力行

也既知所終則力進而終之守之在後故可與存義所謂終

條理者聖之事也此學之始終也

朱子曰內積忠信積字說得好其實其善

之說雖密不似積字見得積在此而未見於事之意
一言一動必忠必信是積也
內積忠信是實心擇言

篤志是實事擇言是修辭篤志是立誠伊川擇言篤志說得來寬不如明道云修省言辭正為立己之誠意乃是體當自家敬以直內義以方外之實事知至至之全在知字知終終之在著力守之知至是真實知得如惡惡臭如好好色至之便真箇求到其地知終是知得進到這處了如何保守得便終保守此是終之可與幾是未到那裏先見得箇事幾可與存義便是守得箇物事在問知至至之是致知知終終之是力行固是如自然細思恐知至與知終屬致知至之知終之屬力行二者自相兼帶曰程子云知至至之主知知終終之主行然某却疑似亦不必如此說只將忠信所以進德修辭立其誠所以居業說自得知至至之進德之事知終終之居業之事易傳下同

君子主敬以直其內守義以方其

外敬立而內直義形而外方義形於外非在外也敬義

既立其德盛矣不期大而大矣德不孤也無所用而不

周無所施而不利孰為疑乎

朱子曰直是直上直下無纖毫委曲方是割裁方正

之意是處事皆合宜如一物四方在面前不可得而移易之意

敬立而內自直義形而外自方若欲以敬要去直內以義要去方外則非矣問義形而外方曰義是心頭斷事心斷於內而外自方正萬物各得其宜

此坤六二之爻以敬解直以義解方將不孤來解大字若敬而無義則做事來必錯了只義而無敬則無本何以為義皆是孤也須是敬義立方不孤

動以天為无妄動以人欲則妄

矣无妄之義大矣哉

葉氏曰震下乾上為无妄震動也乾天也故曰動以天為无妄雖

無邪心苟不合正理則妄也乃邪心也既已无妄不宜

有徃徃則妄也故无妄之象曰其匪正有眚不利有攸

徃

朱子曰所謂雖無邪心而不合正理者該動靜而言如燕居獨處之時物有來感理所當應而此心頑執

不動則此不動處便非正理又如應事接物處理當如彼而吾所以應之者乃如此則雖未必出於血氣人欲之私然只此亦是不合正理既不合正理非邪妄而何又如賢智者過之其心豈有邪却不合正理人之應事有不出於意欲之私而但以不是義理之當然遂陷於不正者多矣董子所謂以善為之而不知其義是以被之空言而不敢辭者正謂此

人之蘊蓄由學而大

在多聞前古聖賢之言與行考跡以觀其用察言以求

其心識而得之以蓄成其德

象大畜傳

咸之象曰君子以

虛受人傳曰中無私主則無感不通以量而容之擇合

而受之非聖人有感必通之道也

朱子曰心無私主也只是公善則好之惡

則惡之善則賞之惡則刑之此聖人至公至神之化如天地一般寒則徧天下皆寒熱則徧天下皆熱便是有感皆通問心無私主最難曰只是克去已私便心無私主若心有私主只是相契者應不相契者則不應以量而容隨我量之大小以容人便是不虛了

葉氏曰有量必有限有合則必有不合

其九四曰

貞吉悔亡憧憧往來朋從爾思傳曰感者人之動也故咸皆就人身取象四當心位而不言咸其心感乃心也感之道無所不通有所私係則害於感通所謂悔也聖

人感天下之心如寒暑雨暘無不通無不應者亦貞而
已矣貞者虛中無我之謂也若往來憧憧然用其私心
以感物則思之所及者有能感而動所不及者不能感
也以有係之私心既主於一隅一事豈能廓然無所不

通乎

問易傳云貞者虛中無我之謂本義云貞者正而固不同何也朱子曰某尋常解經只要依訓詁說

字如貞作正而固仔細玩索自有滋味若曉得正而固則虛中無我亦在裏面問往來是心中憧憧然猶言往來於懷否曰非也下文分明說日月寒暑往來安得為心中之往來伊川說微倒了一往一來感應之常理是自然之往來此憧憧者是加私意不好底往來只是加一箇忙迫底心不能順自然之理伊川說得未備

往來自還他自然之理惟正靜為主至於憧憧則私為主而思慮之所及者朋從所不及者不朋從矣

君子之遇艱阻必思自省於身有失而致之乎有所未

善則改之無歉於心則加勉乃自修其德也

寒象傳葉氏曰此

教人以處險阻之道

非明則動無所之非動則明無所用

疊初九傳

朱子曰豐明以動以明心應事物也明無所用空明而已徒行不明則行無所向冥行而已

徒明不行則

習重習也時復思繹決洽於中則說也以善及人而

信從者衆故可樂也雖樂於及人不見是而無悶乃所

謂君子

朱子曰決洽二字宜仔細看凡於聖賢言語思量透徹乃有所得譬之浸物於水水若未入只

是外面稍濕裏面依前乾燥必浸之久則透內皆濕程
子之言極有深意已既有得何待人之信從始為可
樂須知已之有得亦欲人之皆得然信從始但一二人
亦未能愜吾之意至於信從者衆豈不可樂大抵私
小底人或有所見則不肯告人持以自多君子存心廣
大已有所得足以及人若已能之以教人而人不能多
少可問今既信從者衆安得不樂問初學將自謀不
暇何以及得人曰如傳得師友好說話好文字歸與朋
友亦是及人

經說下同

古之學者為已欲得之於已也今之學

者為人欲見知於人也伊川先生謂方道輔曰聖人
之道坦如大路學者病不得其門耳得其門無遠之不
到也求入其門不由於經乎今之治經者亦衆矣然而

買積還珠之蔽人人皆是經所以載道也誦其言辭解其訓詁而不及道乃無用之糟粕耳覬足下由經以求道勉之又勉異日見卓爾有立於前然後不知手之舞

足之蹈不加勉而不能自止矣

方元宋字道輔買積還珠事見韓子朱子曰

買積還珠之論尤可以警今日學者用心之謬朱子以此書示學者曰他只恁平鋪無緊要說出來只是要動他一句也不得

手帖

明道先生曰修辭立其

誠不可不子細理會言能修省言辭便是要立誠若只是修飾言辭為心只是為偽也若修其言辭正為立已

之誠意乃是體當自家敬以直內義以方外之實事道
之浩浩何處下手惟立誠纔有可居之處有可居之處
則可以修業也終日乾乾大事小事却只是忠信所以
進德為實下手處修辭立其誠為實修業處

問蘇李明以治經為

傳道居業之事居常講習只是空言無益質之兩先生
如何朱子曰季明是橫渠門人祖橫渠修辭之說以立
言傳後為修辭是為居業明道與說易上修辭不恁地
修辭只是如非禮勿言若修其言辭正為立己之誠意
乃是體當自家敬以直內義以方外之實事便是理會
敬義之實事便是表裏相應敬以直內義以方外便是
立誠道之浩浩何處下手惟立誠才有可居之處有可
居之處則可以修業修業便是逐日底事業似日課一

般忠信進德為實下手處如是心中實見得理之不妥如惡惡臭如好好色常常恁地則德不期而進矣誠便是忠信修省言辭便是要立得這忠信若口不擇言逢事便說則忠信亦被汨沒動蕩立不住了問何不說事却說辭曰事尚可欺人辭不可拚故曰言傾行行傾言遺書下同伊川先生曰志

道懇切固是誠意若迫切不中理則反為不誠蓋實理

中自有緩急不容如是之迫觀天地之化乃可知朱子

子澄云學者正欲胸中廓然大公明白四達方欲致知窮理有得力處今乃追咎往昔念念不忘竊恐徒自煎熬無復義理悅心之味也程子所謂迫切不中理則反為不誠正應此耳升高自下陟遐自邇能不遺寸晷而終不計近功則孟子才高學之無可依據學者當學顏

子入聖人為近有用力處又曰學者要學得不錯須是

學顏子

本註有準的說道理自在裏面

朱子曰孔子體面大不用恁地孟子多是就發見處盡說與

人終不似夫子立得根本住所以程子謂其才高學之無可依據孟子才高學之無可依據為他元來見識

自高顏子才雖未嘗不高然其學却細膩切實所以學者有用力處孟子終是粗孟子說得粗不甚子細只

是他才高自致那地位若學者學他或錯認了他意思若顏子說話便可下手做孟子底更須解說方得問

如說養氣處豈得為無可依據曰孟子皆是要用顏子須就已做工夫所以學顏子則不錯勉齋黃氏曰如

博文約禮克己復禮不遷怒不貳過皆用力處就務實切已下工所以入聖人為近明道先生

曰且省外事但明乎善惟進誠心其文章雖不中不遠

矣所守不約泛濫無功

問且省外事但明乎善惟進誠心只是教人鞭辟近裏明善是

致知誠心是誠意否朱子曰知至即便意誠善才明誠心便進問其文章雖不中不逮矣便是應那省外事一句否曰然外事所可省者即省之所不可省者亦強省不得善只是那每事之至理文章是威儀制度所守不約泛濫無功說得極切這般處只管將來玩味則道理自然都見又曰這段是呂與叔自關中來初見二程時說話蓋橫渠多教人禮丈制度之事他學者用心不近裏故以此說教之然只可施之與叔諸人若與龜山言便不著地頭了且省外事但明乎善惟進誠心是且理會自家切已處明善了又更須看自家進誠心與未學者識得仁體實有諸已只要義理栽培如求經義皆栽培之意

朱子曰學者識得仁體實有諸已識得與實有須做兩句看識得是知之實有是得

之若只識得只是知有此物却須實有諸已方是已物也

昔受學於周茂叔每令

尋顏子仲尼樂處所樂何事

朱子曰程子之言引而不發蓋欲學者深思而自得

之今亦不敢妄為之說學者但當從事於博文約禮之誨以至於欲罷不能而竭其才則庶乎有以得之矣

問顏子所樂何事周子程子終不言不審先生以為所樂何事曰人之所以不樂者有私意耳克己之私則樂

矣問孔顏所樂何事曰不要去孔顏身上問只去自家身上討問孔顏之樂若但以為在於樂道則是孔

顏與道終為二物要之孔顏之樂只是私意淨盡天理昭融自然無一毫繫累耳曰然但令人說樂道說得來

淺了要之說樂道亦無害曰觀周子之問其為學者其切曰然頃之復曰程子云人能克己則心廣體胖仰不

愧俯不作其樂可知有息則餒矣問孔顏之樂求之亦甚難曰且就聖賢著實用工夫處求之如克己復禮致

謹於視聽言動之間久久自當純熟充達向上去或
說顏子之樂云天理流行渾融貫通顏子見得這箇物
事分明在面前其樂自不能已曰也不要說得似有一
箇物事樣道是箇公共底道理但是安頓不能得恰好
顏子向前見不得底今見得向前做不得底今
做得所以樂不是把這一箇物事來恁地快活
所見

所期不可不遠且大然行之亦須量力有漸志大心勞

力小任重恐終敗事

朱子曰學者志道固不可不以遠大自期然苟悅其遠而忽於近慕

於大而累於細則無漸次經由之實而徒有懸空跂望之勞亦終不能以自達矣

朋友講習

更莫如相觀而善工夫多

學記相觀而善之謂摩

須是大其心

使開闊譬如為九層之臺須大做脚始得

朱子曰心只是放寬平便

大不要先有仁私意隔礙
便大心大則自然不急迫

明道先生曰自舜發於畎

畝之中至百里奚舉於市若要熟也須從這裏過朱子曰只

是要事事經歷過問若要熟也須從這裏過人不識所
貧困艱苦中做來方堅牢曰若不從這裏過也不識所

以堅牢者似一條路須每日從上面往來行得熟了方
認得許多險阻去處若素不會行忽然一旦撞行將去

少間定墮坑落塹去也參也竟以魯得之朱子曰曾子魯鈍難

捱到透徹了方佳不似別人只畧綽見得些小便休一
樣敏底見得容易又不能堅守鈍底捱得到畧曉得處

便說道理止此更不深求惟曾子不肯放舍若這事看
未透真是捱得到處處所以竟得之緣他質鈍不解

便理會得故若工夫去看遂看得來透徹非他人所及
有一等伶俐人見得雖快然只是從皮膚上畧過所以

不如他魯鈍之人却能守其心專一明達者每事要入一分半上落下多不專一非說須要魯魯是他一

般病但却是上好底病他却得這箇魯底力明道先生以記誦博識為玩

物喪志

本註時以經語錄作一冊鄭穀云嘗見顯道先生云某從洛中學時錄古人善行別作一冊明

道先生見之曰是玩物喪志蓋言心中不宜容絲髮事胡安國云謝先生初以記問為學自負該博對明道舉

史書成篇不遺一字明道曰賢記得許多可謂玩物喪志謝開此語汗流浹背面發赤及看明道讀史又却逐

行看過不蹉一字謝甚不服後來省悟却將此事做話頭接引博學之士謝良佐字顯道上蔡人程子門人

朱子曰明道以上蔡記誦為玩物喪志蓋謂其意不是理會道理只是誇多闢靡為能若明道看史不蹉一

字則意思自別此正為已為人之分玩物喪志之戒乃為求多聞而不切已者發明道玩物喪志之說蓋

是箴上蔡記誦博識而不理會道理之病渠得此語遂
一向歸蕩直要得曠然無一毫所累則可謂矯枉過其
正矣觀其論曾點事遂及列子御風以為易做則
可見也明道謂與學者語如扶醉人真是如此 禮

樂只在進反之間便得性情之正

問記曰禮主其減樂主其盈禮減而進以

進為文樂盈而反以反為文恐減與盈是禮樂之體本
如此進與反是用功處否朱子曰減是退讓搏節收斂
底意思思是禮之體本如此進者力行之謂盈是和悅舒
散快滿底意思是樂之體如此反者退斂之謂禮主其
減却欲進一步向前著力去做樂主其盈却須退斂節
制收拾歸裏如此則得性情之正問如此則禮樂相為
用矣曰然禮主於搏節退遜檢束然以其難行須勇
猛力進始得故以進為文樂主於舒暢發越然一向如
此必至於流蕩故以反為文主於減者以進為文主
於盈者以反為文中間便自有箇恰好處所謂性情之

正也 原註以
上竝明道語

父子君臣天下之定理無所逃於天

地之間安得天分不有私心則行一不義殺一不辜有

所不為有分毫私便不是王者事

朱子曰天分即天理也父子君臣各安其

分則安得私

論性不論氣不備論氣不論性不明二之則

不是

朱子曰論性不論氣則無以見生質之異論氣不論性則無以見義理之同本然之性只是至善

然不以氣質而論之則莫知其有昏明開塞剛柔強弱故有所不備徒論氣質之性而不自本原言之則雖知

有昏明開塞剛柔強弱之不同而不知至善之源未嘗有異故其論有所不明須是合性與氣觀之然後盡

如只說仁義禮智是性世間却有生出來便無狀底是
如何只是氣稟如此若不論氣這道理便不周匝若只

論氣稟這箇善這箇惡却不論那一原處這道理又却不明天命之性若無氣質却無安頓處如一勺水非有物感之則水無歸著程子論性不論氣云云所以發明千古聖賢未盡之意甚為有功論氣不論性荀子言性惡揚子言善惡混是也論性不論氣孟子言性善是也孟子論性不論氣但只認說性善雖說得好終是欠了下面一截孟子終是未備所以不能杜絕荀揚之說不備則少欠耳不明則大害事韓愈也說得好只是少箇氣字須是兩邊都說理方明備二之正指上兩句論性不論氣論氣不論性便是二之問氣質之說始於何人曰此起於張程極有功於聖門有補於後學韓退之原性中說三品說得也是但不曾分明說是氣質之性孟子說性善但說得本原處下面却不曾說得氣質之性所以有費分疏諸子說性惡與善惡混使張程之說早出這許多說話自不用分爭故張程之說立則諸子之說泯矣周子太極圖却有氣質

底意思程子之論又自太極圖中見出來

論學便要明理論治便須識體

朱子曰事理合當做處凡事皆有箇體如作州縣使合治告訐除盜賊勸農桑抑未作如朝廷使須開言路通下情消朋黨如為大吏便須求賢才去賊吏除暴斂均力役這箇是定底格局合當如此做只怕人傷了那

大體如為天子近臣合當審諤正直又却恬退寡欲及至處鄉里合當閉門自守躬廉退之節又却向前要做事這箇便都傷了那大體今人議論都是如此合當舉賢才而不舉而曰我遠權勢合當去姦惡而不去而曰不為已甚

會點漆雕開已見大意故聖人與之

問如何是已見大意

朱子曰是他見得大了便小合般不得開只說得一句如何便見他已見大意工夫只在斯字信字上斯是許多道理見於日用之間君臣父子仁義忠孝之理雖已見得如此却恐做不盡不免或有過差雖是知其已然

未能決其將然規模小成易自以為是規模大則工夫
卒難了所以自謂未能信大意便是本初處若不見
得大意如何下手做工夫若已見大意而不下手做工
夫亦不可問大意畢竟是如何曰若推其極只是惟
皇上帝降表于下民答曾擇之曰漆雕開語意深密
難尋而曾點之言可以玩索而見其意若見得曾點意
則漆雕之意亦見得矣且看程子說大意二字是何意
二子見得是而甚處如何見得又曰謂開有經綸天下
之志則未必然正是已分上極親切處自覺有未盡處
耳雖其見處不及點之開闊得處未至如點之從容然
其功夫精密則恐點有所不逮也然今日只欲想象聖
賢曾點洒落處却未有益須就自家下學致知力行處
做工夫覺得極辛苦不快活便漸見得好意思也
看皆云曾點高令看來却是開著實點頗動蕩點開
闊開深穩論其資稟之誠慤則開優於點語其見趣
超詣脫然無毫髮之累則點賢於開然開之進則未已

也點已見大意却做得有欠缺開見得不如點透徹
而用工却密點天資甚高如一箇大屋但見外面牆圍
周匝裏而間架却未見得却又不肯做
工夫如邵康節見得恁地只管作弄
根本須是先

培壅然後可立趨向也趨向既正所造淺深則由勉與

不勉也

朱子曰涵養持敬便是栽培此段只如弟子
入則孝云云之意先從實上培壅一箇根脚却

學文做工夫去

敬義夾持直上達天德自此

朱子曰最是
說夾持兩字好

敬上乎中義防於外二者相夾持要放下霎時也不得
只得直上去故便達天德表裏夾持更無東西走作
去處上面只更有箇天德直上者無許多人欲
牽惹也又曰不為人欲所蔽而倒東來西之謂也

懈

意一生便是自棄自暴

不學便老而衰

或云人之晚
年知識却會

長進朱子曰也是後生時都定了便長進也不會多然
而能用心於學問底便會長進若不學問只縱其客氣
底亦如何會長進日見昏了有人後生氣盛時說盡萬
千道理晚年只恁地闊綽了或引程先生云人不學便
老而衰曰只這

人之學不進只是不勇 學者為氣

所勝習所奪只可責志

或以科舉作館廢學自咎者朱子曰不然只是志不立不曾做

工夫耳伊川曰學者為氣所勝習所奪只可責志正為此也若志立則無處無工夫為學大端在於求復性命之本然求造聖賢之極致須是立志如此便做去始得若曰我之志只是要做箇好人識些道理便休宜乎工夫不進日漸消磨程子云學者為氣所勝習所奪只可責志 葉氏曰立志不大不剛則義理不足以勝其氣質之固蔽學力不足

以移其習俗之纏繞 內重則可以勝外之輕得深

則可以見誘之小

葉氏曰道義重則外物輕造理深則嗜欲微

董仲舒謂

正其義不謀其利明其道不計其功孫思邈曰膽欲大

而心欲小智欲圓而行欲方可以為法矣

此仲舒對江都易王語思

趣隋唐間人

問道義如何分別朱子曰道義是簡體用道是大綱說義是就一事上說義是道中之細分別

功是就道中做得功效出來

問正義在先明道在後否曰未有先後此只是合掌底意思又云微有先後之

序事成之謂利所以有義功成則是道便不是惠迪吉從逆凶然惠迪亦未必皆吉

問膽欲大曰彼丈夫

也我丈夫也吾何畏彼哉膽大是千萬人吾往處天下萬物不足以動其心貧賤不能移威武不能屈皆是

膽大心小是畏敬之謂文王小心翼翼曾子戰戰兢兢是也 膽欲大而心欲小戰戰兢兢方能為赴赴武夫

公侯干城之事問四者缺一不可曰圓而不方則謫
詐方而不圓則執而不通瞻不大則卑陋心不小則狂

妄江西諸人便是膽大而心不小者也智是對仁義
禮信而言須是知得是非方謂之智問智欲圓轉若行

不方正合於義則將流於權謀諂詐曰是如此
大抵學不言而自得者乃自

得也有安排布置者皆非自得也永按不言自得者用力之久浹洽於中熟

而悅者也安排布置勉強而已安能自得
視聽思慮動作皆天也人但於

其中要識得真與妄爾朱子曰言視聽思慮動作皆是天理其順發出來無非當然之

理即所謂真其妄者却是反乎天理者也雖是妄亦無非天理只是發得不當地頭恰如善固性也惡亦不可

不謂之性之意問視聽思慮動作發得不中節是妄
曰妄是私意不是不中節問此是顏子之所謂非禮者

曰非禮處便是私意識字是緊要處要識得時須是學始得

明道先生曰學只要

鞭辟近裏著已而已故切問而近思則仁在其中矣言

忠信行篤敬雖蠻貊之邦行矣言不忠信行不篤敬雖

州里行乎哉立則見其參於前也在輿則見其倚於衡

也夫然後行只此是學質美者明得盡渣滓便渾化却

與天地同體其次惟莊敬持養及其至則一也

問鞭辟是如何

朱子曰此是洛中語大約是要鞭督向裏去今人皆不
是鞭督向裏心都向外下言切問而近思云云何嘗有
一句說做外面去問博學篤志章曰明道常說學只
要鞭辟近裏著已而已若能如此便是心在已是有七

八分仁了天地同體處如義理之精英渣滓是私意人欲之未消者克已復禮為仁已是渣滓復禮便是天地同體處有不善未嘗不知不善處是渣滓曾子言不忠不信不習是曾子渣滓處漆雕開言未能信皆是有些渣滓處只是質美者見得透徹渣滓處都盡化了若未到此須當莊敬持養旋旋磨擦去教盡所謂持養亦非是作意去穿鑿以求其明但只此心常敬則久久自明

忠信所以進德修辭

立其誠所以居業者乾道也敬以直內義以方外者坤

道也

朱子曰乾言聖人之學故曰忠信所以進德云云坤言賢人之學故曰敬以直內云云問既分聖賢

之學其歸如何曰歸無異但乾所言便有自然底意思坤所言只是作得持守忠信進德修辭立誠是流行發用朴實頭便做將去是健之義敬以直內義以方外便只簡靜循守是順之義大率乾是做坤是守

凡人才學便須知著力處既學便須知得力處

葉氏曰始學不

知用力之地則何以為入道之端既學而不知得力之地則何以為造道之實 有人治園圃

役知力甚勞先生曰蠱之象君子以振民育德君子之

事惟有此二者餘無他焉二者為己為人之道也

朱子曰役

智力於農圃內不足以成已外不足以治人濟得其

事 葉氏曰振民謂興起作成之有德謂正養已德

博學而篤志切問而近思何以言仁在其中矣學者要

思得之了此便是徹上徹下之道

朱子曰四者皆學問思辨之事耳未及乎

力行而為仁也然從事於此則心不外馳而所存自熟故曰仁在其中矣 問學者要思得之莫便是先生所

謂心不外馳而所存自熱之意曰然於四者中見得箇
仁底道理便是徹上徹下之道問了此便是徹上徹
下之道此是深說也恁地淺說也恁地否
曰只是這箇道理深說淺說都恁地

弘而不毅

則難立毅而不弘則無以居之

本註西銘言弘之道朱子曰弘寬廣也毅強

忍也弘而不毅如近世龜山之學者其流與世之常人無以異毅而不弘如胡氏門人都恁地撐腸拄肚少間都沒頓著處永按弘而不毅者縱弛毅而不弘者狃陋西銘之道能實體之渾然與物同體弘之至也

伊川先生曰古之學者優柔厭飫有先後次序今之

學者却只做一場話說務高而已常愛杜元凱語若江海之浸膏澤之潤渙然冰釋怡然理順然後為得也今

之學者往往以游夏為小不足學然游夏一言一事却

總是實後之學者好高如人游心於千里之外然自身

却只在此

永按杜預春秋左傳序中語本謂學春秋當如是程子偕以言學也

修養之

所以引年國祚之所以祈天永命常人之至於聖賢皆

工夫到這裏則自有此應

葉氏曰明學聖賢者當真積力久而得之也

忠

恕所以公平造德則自忠恕其致則公平

朱子曰進德則自忠恕是

從這裏做出來其致則公平言其極則公平也忠恕是工夫公平是忠恕之效所以謂其致則公平致極至

也

仁之道要之只消道一公字公只是仁之理不可

將公便喚做仁公而以人體之故為仁只為公則物我

兼照故仁所以能恕所以能愛恕則仁之施愛則仁之

用也

朱子曰程子言仁本來甚備今撮其大要不過數言蓋曰仁者生之性也而愛其情也孝弟其用也

公者所以體仁猶言克已復禮為仁也學者於前三言可以識仁之名義於後一言可以知其用力之方矣

仁者性之德而愛之本因其性之有仁是以其情能愛但或蔽於有我之私則不能盡其體用之妙惟克已復

禮廓然大公然後此體渾全此用昭著動靜本末血脈貫通仁是愛底道理公是仁底道理故公則仁仁則

愛公却是仁發處無公則仁行不得仁是本有之性生物之心惟公為能體之非因公而後有也故曰公而

以人體之故為仁細看此語却是人字裏而帶得仁字過來非以公為仁須是公而以人體之伊川自謂不

可以公為仁世有以公為心而慘刻不恤者須公而有惻隱之心此工夫却在人字上蓋人體之以公方是仁公而以人體之此句本微有病然若真箇曉得方知這一句說得好所以程子又曰公近仁蓋這箇仁便在這人字上你元自有這仁合下便帶得來只為不公所以蔽塞了不出來若能公仁便流行如溝中水被沙土壅塞了故水不流若能擔去沙土水便流矣又非是外面別將水來放溝中是溝中元有此水如克己復禮為仁能去己私天理便自流行不是克己了又別討箇天理來放在裏面永按此數條重人字恐非定說當以後荅陳安卿一條為正朱子曰公之為仁猶言去其壅塞則水自流通然便謂無壅塞者為水則不可仁是本有之理公是克己工夫極至處故惟公然後能仁其曰公而以人體之則是克盡己私之後只就自身上看便見得仁也公猶無塵也人猶鏡也仁則猶鏡之光明也鏡之明非自外來元來自光明今不為塵所

昏耳人心元來自有這仁今不為私欲所蔽耳董銖問體猶骨也如體物不可遺之體非體用之體曰公是仁之方法人是仁之材料有此人方有此仁蓋有形氣便具此生理若無私意間隔則人身上全體皆是仁體字便作體認之體亦不妨體認者是將此身去裏而體察如體羣臣之體又問先生謂作體認之體亦不妨銖思之未達竊謂有此人則此理流行即此人而仁在不仁者以其私也能無私心則此理流行即此人而仁在矣非是公後又要去體認尋討也曰仁字說得是了但認體字未是體者乃是以人而體公蓋人撐起這公作骨子則無私心而仁矣蓋公只是一箇公理仁是人心本仁人而不公則害夫仁故必體此公在人身上以為之體則無所害其仁而仁流行矣作如此看方是陳安卿問先生謂緊要在人字上淳竊謂此段之意人字只是指吾身而言與中庸仁者人也之人自不同不必重看緊要都在體字上公如何體亦不過克盡己私至於此心

豁然瑩淨光潔徹表裏純是天理之公則天地生物之意常存此所以能恕能愛曰此說得之恕於愛本皆出於仁然非公則安能恕安能愛公恕愛皆所以言仁者也公在仁之前恕與愛在仁之後公則能仁仁則能恕能愛仁之發處自是愛恕是推那愛底愛是恕之所推者若不是恕處推那愛也不能及物也不能親親仁民愛物只是自愛而已若裏面元無那愛又推箇甚麼如開溝相似愛水也開之者恕也問施與用如何分曰恕之所施施其愛耳不恕則雖有愛而不能及人也施是從這裏流出用是就事說推已當恕恕是從已流出去及那物愛是才調恁地愛如水恕如水流陳淳問先生謂愛如水恕如水之流退而思有所不合竊謂仁如水愛如水之潤恕如水之流曰說得是昨日說過了恕是分依那愛底如一桶水愛是水恕是水分依此水何處一杓故謂之施施用兩字移今之動全不得惟孔孟能如此下此等處極當細看

為學者如登山麓方其迤邐莫不闊步及到峻處便止

須是要剛決果敢以進

朱子曰為學須要剛毅果決悠悠不濟事如發憤忘食樂以忘

憂是什麼精神什麼骨肋

人謂要力行亦只是淺近語人既能知

見一切事皆所當為不必待著意纔著意便是有箇私

心這一點意氣能得幾時了

問力行如何是淺近語朱子曰不明道理只是硬行

他只見聖賢所為心下愛硬依他行這是私意若見得道理時皆是當恁地行問這一點意氣能得幾時了是

如何日久時將次只是恁地休了

伊川

知之必好

謂說力行是淺近事惟知為上知最要緊

能顛沛造次必於是豈有不得道理 古之學者一今

之學者三異端不與焉 一曰文章之學二曰訓詁之學

三曰儒者之學欲趨道舍儒者之學不可

朱子曰此切要之言夫子

之所志顏子之所學子思孟子之所傳皆是學也

問作文害道否曰害也凡

為文不專意則不工若專意則志局於此又安能與天

地同其大也書曰玩物喪志為文亦玩物也呂與叔有

詩云學如元凱方成癖文似相如始類俳獨立孔門無

一事只輸顏氏得心齋古之學者惟務養情性其他則

不學今為文者專務章句悅人耳目既務悅人非俳優
而何曰古者學為文否曰人見六經便以謂聖人亦作
文不知聖人亦摭發胷中所蘊自成文耳所謂有德者
必有言也曰游夏稱文學何也曰游夏亦何嘗秉筆學
為詞章也且如觀乎天文以察時變觀乎人文以化成

天下此豈詞章之文也

呂大臨字與叔張程門人
子曰貫穿百氏及經史乃所以

辨驗是非明此義理豈特欲使文辭不陋而已義理既
明又能力行不倦則其存諸中者必也光明四通何施
不可發而為言以宣其心志當自發越不凡可愛可傳
矣今執筆以習研錯華采之文務悅人者外而已可恥

也矣。道者文之根本，文者道之枝葉。惟其根本乎道，所以發之於文者皆道也。三代聖賢文章皆從此心寫出，文便是道。涵養須用敬，進學則在致知。朱子曰：涵養此

養赤子須時，其起居飲食養之，屋室之中而謹顧守之，方有向成之期。問：涵養又在致知之先？曰：涵養是合下在先，古人從小以敬涵養，漸教之讀書識義理，今若說待涵養了方去致知也，無期限，須是兩下用工也。著涵養也，著致知也。無事時且存養，在這裏提撕警覺，不要放肆到講習應接時便當思量義理。問：敬先於知，然知至則敬愈分明，曰：此正如配義與道，二者偏廢不得。致知須用涵養，涵養須用致知。下須字在字便是。皆要齊頭著力，不可道知得了方始行。此兩言如車兩輪如鳥兩翼，未有廢其一而可行可飛者也。此二言者體用本末無不該備。致知敬克已此三事以一家譬之，敬是守門戶之人，克已則是拒盜。致知則是

去推察自家與外來底事伊川言涵養須用敬進學則在致知不言克己蓋敬勝百邪便自有克如誠則不消言閑邪之意如善守門戶則與拒盜便是一等事不消更言拒盜若以涵養對克己言之則各作一事亦可涵養譬如將息克己譬如服藥去病能純於敬自無邪僻何用克己若初學則須是功夫都到莫說

道將第一等讓與別人且做第二等才如此說便是自棄雖與不能居仁由義者差等不同其自小一也言學便以道為志言人便以聖為志問必有事焉常用敬

否曰敬是涵養一事必有事焉須用集義只知用敬不知集義却是都無事也又問義莫是中理否曰中理在

事義在心

問孟子之所謂有事者集義而已程子之論每以有事於敬為言何也朱子曰孟子之學

以集義為養氣之本程子之學以敬為入德之門此其言之所以異也然義非敬則不能以自集故孟子雖言集義而必先之以持敬敬非義不能以自行故程子雖言持敬而於其門人有所事於敬之問亦未嘗不以集義為言也問敬是涵養一事敬不足以盡涵養否曰五色養其目聲音養其耳義理養其心皆是養也涵養須用敬處事須是集義敬有死敬有活敬若只守著主一之敬遇事來不濟之以義辨其是非則不活若熟後敬便有義義便有敬敬義功夫不可偏廢彼專務集義而不知主敬者固有虛驕急迫之病而所謂義者或非其義然專言主敬而不知就日用間念慮起處分別其公私義利之所在而決取舍之幾焉則亦未免於昏憤雜擾而所謂敬者有非其敬矣義莫是中理如此說却是義在外也中理只是做得事來中理義則

所以能中理者也義便有揀擇取舍易傳曰在物為理處物為義

問敬義何別曰敬

只是持已之道義便知有是有非順理而行是為義也若只守一箇敬不知集義却是都無事也且如欲為孝不成只守著一箇孝字須是知所以為孝之道所以侍奉當如何溫清當如何然後能盡孝道也學者須是

務實不要近名方是有意近名則為偽也大本已失更

學何事為名與為利清濁雖不同然其利心則一也

朱子

曰務實一事觀今日學者不能進步疾痛全在此處

回也其心三月不違仁只

是無纖毫私意有少私意便是不仁

朱子曰三月言其久仁者心之德心

不達仁者無私欲而有其德也

仁者先難而後獲有為而作皆先獲

也古人惟知為仁而已今人皆先獲也

朱子曰先計其效而後為其事

則其事雖公而意則私

有求為聖人之志然後可與共學學而

善思然後可與適道思而有所得則可與立立而化之

則可與權

朱子曰可與共學知所以求之也可與適道知所往也可與立者篤志固執而不變也可

與權謂能權輕重使合義也

古之學者為己其終至於成物今之

學者為物其終至於喪己

問伊川云為己欲得之於己也為人欲見知於人也後又

云古之學者為己其終至於成物云云何也朱子曰此
兩段意思自別前段是低底為人後段是好底為人前
為人只是欲見知於人而已後為人却是真簡要為人
然不曾先去自家身上做得工夫非唯是為那人不得
末後和已也喪了

君子之學必日新日新者日進也不日新

者必日退未有不進而不退者惟聖人之道無所進退

以其所造者極也

葉氏曰聖人理造乎極行止乎成則無所進退永按聖人之學亦日新

不已蓋有獨覺其進而人不知者然必無所退也唯其不已所以無退

明道先生曰性

靜者可以為學

永按智以靜而明行以靜而篤

弘而不毅則無規矩

毅而不弘則隘陋

問程子謂弘而不毅則無規矩而難立恐毅字訓義非可以有規矩言之

朱子曰毅有忍耐底意思無規矩是說目今難立是說後來

知性善以忠信為本

此先立其大者

朱子曰知性善以忠信為本須是的然識得這箇物事然後從忠信做將去若

不識得這箇不知是做甚麼故曰先立乎其大者

伊川先生曰人安重則學

堅固

朱子曰如人言語簡重舉動詳緩則厚重可知言語輕率舉動輕肆其人輕易可知輕最害事飛揚

浮躁所學安能堅固葉氏曰躁擾輕浮則所知者易忘所守者易隳

博學之審問之

慎思之明辨之篤行之五者廢其一非學也

問學問思辨亦有順序

乎朱子曰學之博然後有以備事物之理故能參伍之以得所疑而有問問之審然後有以盡師友之情故能反復之以發其端而可思思之謹則精而不雜故能有所自得而可以施其辨辨之明則斷而不差故能無所

疑惑而可以見於行行之篤則凡所學問思辨而得之者又皆必踐其實而不為空言矣此五者之序也

張思叔請問其論或太高伊川不荅良久曰累高必自

下

張繹字思叔永按思叔與尹彥明同事伊川先生思叔以高識彥明以篤行俱為程子所稱然又謂尹

煇魯張繹俊俊者他日過之魯者終有守也故思叔請問常有過高之病累高必自下所以抑而救之也

明道先生曰人之為學忌先立標準若循循不已自有

所至矣

問為學若以聖人為標準何不可之有若無所指擬茫然而去將何所歸宿朱子曰忌先立標

準如孟子所謂勿正者學者固當以聖人為標準然豈可日日比竝而較量之乎觀顏子喟然之嘆不於高堅瞻忽處用功却就博文約禮上進步則可見矣學者固當以聖人為師然亦何須先立標準才立標準心裏

只計較思量幾時得到聖人便有箇先獲之心顏淵謂
舜何人予何人有為者亦若是也只如此平說只恁下
著工夫少間自有所至以聖為志而忌立標準者必
有事焉而勿正也循循不已自有所至者心勿忘勿助
長也先難後獲意亦類此 尹彥明見伊川後半年方得大學西銘

看

後尹焞字彥明號和靖朱子曰尹和靖從伊川半年

教他聽說話問問也是初入門未知次第驟與他看未得
曰是如如此問此意如何曰也是教他自就切已處思
量自看平時是不是未欲便把那書與之讀問如此則
未後以此二書併授之還是以尹子已得此意還是以
二書互相發故曰他好把西銘與學者看也是要教他
知天地間有箇道理恁地開闢此意思也好也有病
蓋且養他氣質淘湏了許多不好底意思如學記所謂
未卜禘不視學游其志也之意固好然也有病者蓋天

下有多少書若半年間都不教看一字幾時讀得天下許多書易曰富有之謂大業天下事無不當理會者才工夫不到業無由得大少間措諸事業便有欠缺此便是病問想當時大學未成倫緒難看曰然尹彥明看大學臨了連格物也看錯了所以深不信伊川今日格一件明日格一件之說是看箇甚麼外書下同

有人說無心伊川曰無心便不是只當云無私心永按無心

之說入於空寂聖賢之心公而已矣謝顯道見伊川伊川曰近日事何

如對曰天下何思何慮伊川曰是則是有此理賢却發

得太早在伊川直是會鍛鍊得人說了又道恰好著工

夫也問謝氏說何思何慮處程子道恰好著工夫此是著何工夫朱子曰人所患者不能見得大體謝氏

合下便見得大體處只是下學之工夫却欠程子道恰好著工夫便是教他著下學底工夫永按事物各有當然之理何思何慮順理而行因物付物謝顯道云者也謝氏之學未至此故謂其發之太早

昔伯淳教誨只管著他言語伯淳曰與賢說話却似扶

醉漢救得一邊倒了一邊只怕人執著一邊

朱子曰上蔡因有發

於明道玩物喪志之一言故其所論每每過高如浴沂御風何思何慮之類皆是墮於一偏如扶醉漢真是如此扶醉漢之說今之學者大抵皆然如云讀史成誦亦是玩物喪志學者若不理會得聞這說話又一齊棄

了
橫渠先生曰精義入神事豫吾內求利吾外也利

用安身素利吾外致養吾內也窮神知化乃養盛自至

非思勉之能強故崇德而外君子未或致知也

朱子曰下學之

事盡力於精義利用而交養互發之機自不能已自是以上則亦無所用其力矣至於窮神知化乃德盛仁熟而自致耳問求利吾外求字似有病便有箇先獲底心精義入神自然能利吾外何待於求曰然常云所以利吾外也精熟義理而造於神事業定于內而乃所以求利乎外也通達其用而身得其安素利乎外乃所以致養其內也蓋內外相應之理入神是入至於微妙處此却似向內做工夫非是作用於外然乃所以致用於外也故嘗謂門人曰吾學既得於心則修其辭命辭無差然後斷事斷事無失吾乃沛然精義入神者豫而已橫渠可謂精義入神事豫吾內事形而後有未至而先知其理之謂豫正蒙下同

氣質之性善反之則天地之性存焉故氣質之性君子

有弗性者焉

朱子曰天地之所以生物者理也其生物者氣與質也人物得是氣質以成形而其

理之在是者則謂之性然所謂氣質者有偏正純駁昏明厚薄之不齊故性之在是者其為品亦不一所謂氣質之性者也告子所謂生之謂性程子所謂生質之性所稟之性所謂才者皆謂是也然其本然之理則純粹至善而已所謂天地之性者也孟子所謂性善程子所謂性之本所謂極本窮原之性皆謂此者也天地之性太極本然之妙萬殊之一本也氣質之性二氣交運而生一本而萬殊也天地之性是理才到有陰陽五行處便有氣質之性於此便有昏明厚薄之殊人只是一般人厚於仁而薄於義有餘於禮而不足於智便自氣質上來氣質之性只是此性墮在氣質之中故隨氣質而自為一性正周子所謂各一其性者向使元無本然之性則此氣質之性又從何處得來耶本原之性無有不善只被氣質有昏濁隔了故氣質之性君

子有弗性者焉學以反之則天地之性存矣
龜陶謨所謂寬而栗等九德皆是論反氣質之意
若工夫未到

則氣質之性不得不重若工夫
至則氣質豈得不聽命於義理

德不勝氣性命於氣

德勝其氣性命於德窮理盡性則性天德命天理氣之

不可變者獨死生修天而已

問性命於氣性命於德前日先生說以性命之命為

聽命之命適見先生舊答潘恭叔書以命與性字只一般如言性與命也所以後面分言性天德命天理不知如何朱子曰也是如此但命字較輕得些問若將性命作兩字看則於氣於德常云性命皆由於氣由於德曰橫渠文自如此德性若不勝那氣稟則性命只由那氣德性能勝其氣則性命都是那德兩者相為勝負蓋其稟受之初便如此矣然亦非是元地頭不渾全只是氣稟之偏隔著故窮理盡性則善反之功也性天德命

天理則無不是元來至善之物矣若使不用修為之功則雖聖人之才未必成性然有聖人之才則自無不修為之理性與氣質從上面流下來自家之德若不能勝其氣則只是承常得所賦之氣若德有以勝其氣則我之受其賦子者皆是德故窮理盡性則我之所受皆天之德其所以賦予我者皆天之理氣之不可變者惟死生修夭蓋死生修夭富貴貧賤這却還他氣至仁之於父子義之於君臣命也有性焉君子不謂命這箇却須由我問所謂勝者莫是指人做處否曰固是又問性命於氣是性命都由氣則性不能全其本然命不能順其自然性命於德是性命都由德則性能全天德命能順天理否曰固是問性天德命天理這處性命如何分曰性是以其定者而言命是以其流行者而言命便是本恁地流底性便是將性盛得水大性盛得多小性盛得少潔淨性盛得清汙漫性盛得濁人生氣稟自然不同天非有殊人自異稟有學問之功則性命於

德不能學問然後性命惟其氣稟耳曰從前看性命於德意謂此性由其德之所命今如此云則是性命二者皆是德也曰然氣不可變惟壽夭要之此亦可變但大槩如此問知所攝養者則多壽考肆其嗜慾者則多夭亡是死生修夭亦可變也故程子以火為喻與此說不合如何曰正蒙之言恐不能無偏莫非

天也陽明勝則德性用陰濁勝則物欲行領惡而全好

者其必由學乎

禮記領惡而全好鄭氏曰領猶理治也好善也問莫非天也是兼善惡言否

朱子曰然正所謂善周性也然惡亦不可不謂之性二者皆出於天也陽是善陰是惡陽便清明陰便昏濁大抵陰陽有主對待而言者如陽仁陰義之類又別是一樣專就善上說陽明勝則德性用陰濁勝則物欲行只將自家意思體驗便見人心虛靜自然清明才為物欲所蔽便黑暗了大其心則能體

天下之物物有未體則心為有外世人心止於見聞之狹聖人盡性不以見聞梏其心其視天下無一物非我孟子謂盡心則知性知天以此天大無外故有外之心不足以合天心

朱子曰大其心則能體天下之物世人之心止於見聞之狹故不能體天

下之物惟聖人盡性故不以所見所聞梏其心故大而外其視天下無一物非我孟子謂盡心則知性知天蓋盡心則心極其大知性知天而無有外之心矣問今未到聖人盡心處則亦當推去否曰未到那裏也須知聞見之外猶有我不知不見底道理在若不知聞見之外猶有道理如何推得要之此亦是橫渠之意孟子之意則未必然孟子只是說窮理之至則心自然極其全體而無餘非是要大其心而後知性知天也問只如橫

渠所說亦自難下手曰便是橫渠有時自要恁地說似只是懸空想像而心自然大 大其心則能遍體天下之物體猶仁體事而無不在言心理流行脉絡貫通無有不到苟有一物未體則便有不到處包括不到是心為有外蓋私意間隔而物我對立則雖至親且未必能無外矣故有外之心不足以合天心 橫渠此說只是言人心要廣大耳不知未能盡得此心之理如何便能盡其心兼大其心亦做盡心說不得 問物有未體此體字是體察之體否曰須認得如何喚做體察曰是將自家這身入那事物裏面去體認否曰然猶曰體羣臣也伊川云天理二字自家體貼出來是這樣體字又曰是置心在物中究見其理如格物致知之義 問如何得不以見聞格其心曰張子此說是說聖人盡性事如今人理會學須是有見聞豈能舍此先是於見聞上做工夫到然後脫然貫通 天大無外物無不包物理所在一有所遺則吾心為有外便與天地不相似 十分

事做得七八分便是有外所以致知格物者要得無外也問如何是有外之心曰只有私意便內外扞格只見得已身凡物皆不與已相關便是有外之心此說固好然只管如此說便無歸著入於邪道之說如夫子都要說平易從得夫子之言便是無外之實若便仲尼

絕四自始學至成德竭兩端之教也意有思也必有待

也固不化也我有方也四者有一焉則與天地為不相

似矣

朱子曰橫渠之意以絕為禁止之辭是言聖人將這四者使學者禁絕而勿為毋字亦是禁止之意

故曰自始學至成德竭兩端之教意有思也未安意却是箇有為底意思為此一事故起此一意也問夫

子嘗言學而不思則罔又言君子有九思今橫渠言意有思也與此相反曰絕四是聖人事不思不勉者也學

者則思不可無但不可有私意耳
我有方也方所也猶言有限隔也

上達反天理下

達徇人欲者與

葉氏曰反天理則所趨日以高
明徇人欲則所趨日以沈溺

知崇

天也形而上也通晝夜而知其知崇矣知及之而不以

禮性之非已有也故知禮成性而道義出如天地位而

易行

朱子曰知崇天也言知識高明如天形而上指此
理通晝夜而知通猶兼也兼陰陽晝夜之道而知

知晝不知夜知夜不知晝則知皆未盡也合知禮成性
則道義出矣知禮行處也問橫渠知禮成性之說曰

橫渠說成性謂是渾成底性知禮成性如習與性成之
意同又問不以禮性之曰如堯舜性之相似但他言語

難意是如此性者我所得
於天底道義是衆人共由底

困之進人也為德辨為

感速孟子謂人有德慧術智者常存乎疢疾以此

朱子曰辨

猶子細感速言我之感發速也

言有教動有法晝有為宵有得息有

養瞬有存

朱子曰橫渠此語極好君子終日乾乾不可食息間亦不必終日讀書或靜坐存養亦是

雖靜坐亦有所存主始得不然兀坐而已一息之間亦有養一瞬之頃亦有存如造次顚沛必於是之意但

說得太緊

橫渠先生作訂頑曰乾稱父坤稱母子茲藐焉

乃混然中處

朱子曰天陽也以至健而位乎上父道也地陰也以至順而位乎下母道也人稟氣

於天賦形於地以藐然之身混合無間而位乎中子道也然不曰天地而曰乾坤者天地其形體也乾坤其性情也乾者健而無息之謂萬物之所資以始者也坤者順而有常之謂萬物之所資以生者也是乃天地之所

以為天地而父母乎故天地之塞吾其體天地之帥吾

其性

朱子曰乾陽坤陰此天地之氣塞乎兩間而人物之所資以為體者也故曰天地之塞吾其體乾健

坤順此天地之志為氣之帥而人物之所得以為性者也故曰天地之帥吾其性深察乎此則父乾母坤混然中處之實

民吾同胞物吾與也

朱子曰人物並生於天地之間其所資以為體

者皆天地之塞其所得以為性者皆天地之帥也然體有偏正之殊故其於性也不無明暗之異惟人也得其形氣之正是以其心最靈而有以通乎性命之全體於並生之中又為同類而最貴焉故曰同胞則其視之也皆如己之兄弟矣物則得夫形氣之偏而不能通乎性命之全故與我不同類而不若人之貴然原其性體之所自是亦本之天地而未嘗不同也故曰吾與則其視之也亦如己之儕輩矣惟同胞也故以天下為一家中

國為一人如下文所云惟吾與也故凡有形於天地之間者若動若植有情無情莫不有以若其性遂其宜焉此儒者之道所以必至於參天地贊化育大君者吾父然後為功用之全而非有所強於外也

母宗子其大臣宗子之家相也尊高年所以長其長慈孤弱所以幼其幼聖其合德賢其秀也凡天下疲癯殘疾惇獨鰥寡皆吾兄弟之顛連而無告者也

朱子曰乾父坤母而

人生其中凡天下之人皆天地之子矣然繼承天地統理人物則大君而已故為父母之宗子輔佐大君綱紀衆事則大臣而已故為宗子之家相天下之老一也故凡尊天下之高年者乃所以長吾之長天下之幼一也故凡慈天下之孤弱者乃所以幼吾之幼聖人與天地合其德是兄弟之合德乎父母者也賢者才德過於常

人是兄弟之秀出乎等夷者也是皆以天地之子言之則凡天下之疲瘵殘疾憊獨鰥寡非吾兄弟無告者而何于時保之子之翼也樂且不憂純乎孝者也朱子曰畏天以

自保者猶其敬親之至也樂天而不憂者猶其愛親之純也

違曰悖德害仁曰賊濟

惡者不才其踐形惟肖者也

朱子曰不循天理而徇人欲者不愛其親而愛他人

也故謂之悖德戕滅天理自絕本根者賊殺其親大逆無道也故謂之賊長惡不悛不可教訓者世濟其凶增其惡名也故謂之不才若夫盡人之性而有以知化則充人之形則與天地相似而不違矣故謂之肖知化則

善述其事窮神則善繼其志

朱子曰孝子善繼人之志善述人之事者也聖人知

變化之道則所行者無非天地之事矣通神明之德則所存者無非天地之心矣此二者皆樂天踐形之事也

不愧屋漏為無忝存心養性為匪懈

朱子曰孝經引詩曰無忝爾所生故

事天者仰不愧俯不忤則不忝乎天地矣又曰夙夜匪懈故事天者存其心養其性則不懈乎事天矣此二者

畏天之事而君子所以求踐夫形者也惡旨酒崇伯子之頤養育英才穎

封人之錫類

朱子曰好飲酒而不顧父母之養者不孝也故遏人欲如禹之惡旨酒則所以顧天

之養者至矣性者萬物之一源非有我之得私也故育英才如穎考叔之及莊公則所以永錫爾類者廣矣

不施勞而底豫舜其功也無所逃而待烹申生其恭也

朱子曰舜盡事親之道而瞽瞍底豫其功大矣故事天者盡事天之道而天心豫焉則亦天之舜也申生無所

逃而待烹其恭至矣故事天者天壽不貳而修身以俟之則亦天之申生也體其受而歸全

者參乎勇於從而順令者伯奇也

朱子曰父母全而生之子全而歸之若魯

參之故手啟足則體其所受乎親者而歸其全也況天之所以與我者無一善之不備亦全而生之也故事天者能體其所受於天者而全歸之則亦天之曾子矣子於父母東西南北惟今之從若伯奇之履霜中野則勇於從而順令也況天之所以命我者吉凶禍福非有人欲之私故事天者能勇於從而順受其正則亦天之伯奇矣富貴福澤將厚吾之生也貧賤憂戚庸玉女於成也朱子曰富貴福澤所以大奉於我而使吾之為善也輕貧賤憂戚所以拂亂於我而使吾之為志也篤天地之於人父母之於子其設心豈有異哉故君子之事天也以周公之富而不至於驕以顏子之貧而不改其樂其事親也愛之則喜而弗忘惡之則懼而無怨其心亦一而已矣存吾順事沒吾寧也

朱子

曰孝子之身存則其事親也不違其志而已沒則安而無所愧於親也仁人之身存則其事天也不逆其理而已沒則安而無所愧於天也蓋所謂朝聞夕死吾得正而斃焉者故張子之銘以是終焉本註明道先生曰訂頑之言極醇無雜秦漢以來學者所未到又曰訂頑一篇意極完備乃仁之體也學者其體此意今有諸已其地位已高到此地位自別有見處不可窮高極遠恐於道無補也又曰訂頑立心便達得天德又曰游酢得西銘讀之即渙然不逆於心曰此中庸之理也能求於言語之外者也本註楊中立問曰西銘言體而不及用恐其流遂至於兼愛何如伊川先生曰橫渠立言誠有過者乃在正蒙西銘之書推理以存義擴前聖所未發與孟子性善養氣之論同功豈墨氏之比哉西銘明理一而分殊墨氏則二本而無分分殊之蔽私勝而失仁無分之罪兼愛而無義分立而推理一以正私勝之流仁之方也無別而迷兼愛以至於無父之極義之賊

也子比而不同之過矣且彼欲使人推而行之本為用也
反謂不及不亦異乎游酢字定夫楊時字中立皆程
子門人朱子曰西銘要句句見理一而分殊今人說
只中間五六句理一分殊據某看乾稱父坤稱母直至
存吾順事沒吾寧也句句皆是理一分殊喚做乾稱坤
稱便是分殊逐句渾淪看便見理一當中橫截看便見
分殊餘詳見又作砭愚曰戲言出於思也戲動作於謀
性理大全

也發於聲見乎四支謂非已心不明也欲人無已疑不
能也過言非心也過動非誠也失於聲繆迷其四體謂
已當然自誣也欲他人已從誣人也或者謂出於心者
歸咎為已戲失於思者自誣為已誠不知戒其出汝者

歸咎其不出汝者長傲且遂非不知孰甚焉

朱子曰橫渠學力絕

人尤勇於改過獨以戲為無傷一日忽曰凡人之過猶有出於不知而為之者至戲則皆有心為之也其為害

尤甚遂作東銘問東銘曰此正如今法書所謂故失兩字本註橫渠學堂雙牖右書訂頑左書砭愚伊川

曰是起爭端改訂頑曰西銘砭愚曰東銘朱子答江仲謀曰二銘雖同出於一時之作然其詞義之所指氣

象之所及淺深廣狹迥然不同是以程門專以西銘開示學者而於東銘則未之嘗言蓋學者誠於西銘之言

反復玩味而有以自得之則心廣理明意味自別若東銘則雖分別長傲遂非之失於毫釐之間所以開警後

學亦不為不切然意味有窮而於下學工夫蓋猶有未盡者又安得與西銘徹上徹下一以貫之之旨同日而

哉語
將修己必先厚重以自持厚重知學德乃進而不

固矣忠信進德惟尚友而急賢欲勝已者親無如改過

之不吝

問張子學則不固之說如何朱子曰此蓋古註舊說而張子從之但文勢若有反戾而不安者

蓋曰不重則不威則常曰不學則固若曰學則不固則常曰重則有威且學之為功又豈止於不固而已哉

橫渠先生謂范巽之曰吾輩不及古人病源何在巽

之請問先生曰此非難悟設此語者蓋欲學者存意之

不忘庶游心浸熟有一日脫然如大寐之得醒耳

范育字巽

之朱子曰今人不能如大寐之得醒只是捉道理說也說得去只是不透徹又曰正安常存意使不忘釋氏

只是如此黃直卿曰張子語此釋氏更有窮理工夫在曰工夫固自在也須相存意問直卿如何說存意不忘

曰只是常存不及古人意曰設此語者只不欲放倒此意耳橫渠之意正要學者將此題目時時省察使之

積久貫熟而自得之耳人於義理須知所謂脫然如大寐之得醒方始是信得處橫渠文集下同

未知立心惡思多之致疑既知所立惡講治之不精講

治之思莫非術內雖勤而何厭所以急於可欲者求立

吾心於不疑之地然後若決江河以利吾往遜此志務

時敏厥修乃來故雖仲尼之才之美然且敏以求之今

持不逮之資而欲徐徐以聽其自適非所聞也

朱子曰未知立

心則或善或惡故胡思思量惹得許多疑起既知所立則是此心已立於善而無惡便又惡講治之不精又却

用思講治之思莫非在我這道理之內如此則雖勤而何厭所以急於可欲者蓋急於可欲之善則便是無善惡之雜便是立吾心於不疑之地人之所以有疑而不果於為善者以有善惡之雜今既有善而無惡則若決江河以利吾往矣邈此志務時敏雖是低下著此心以順道理又却抖擻起精神敏速以求之則厥修乃來矣

卞面云云只是說一敏字未知立心惡思多之致疑此說甚好便見有次序處事固當考索然心未有主却泛然理會不得若是思慮紛然趨

明善為本固執之

乃立擴充之則大易視之則小在人能弘之而已

永按易視

之謂玩忽視之安於固陋不能擴充也

今且只將尊德性而道問學為

心目自求於問學者有所背否於德性有所懈否此義

亦是博文約禮下學上達以此警策一年安得不長每日須求多少為益知所亡改得少不善此德性上之益讀書求義理編書須理會有所歸著勿徒寫過又多識前言徃行此問學上益也勿使有俄頃閒度逐日似此三年度幾有進為天地立心為生民立道為去聖繼

絕學為萬世開太平

朱子曰此道自孟子沒千有餘歲若天不欲此道復明則不使今人

有知者既使人有知者則必有復明之理此皆先生以道自任之意葉氏曰天地以生生為心聖人參贊化

育使萬物各正其性命此為天地立心也建明義理扶植綱常此為生民立道也繼絕學續述道統開太平

謂有王者起必來取法利澤垂於萬世學者以此立志則所任至大而不安於小成所存至公而不苟於近用

載所以使學者先學禮者只為學禮則便除去了世俗一副當習熟纏繞譬之延蔓之物解纏繞即上去苟

能除去了一副當世習便自然脫灑也又學禮則可以

守得定

葉氏曰學禮則可以消除習俗之累又有所據依而自守

須放心寬快公

平以求之乃可見道况德性自廣大易曰窮神知化德

之盛也豈淺心可得

葉氏曰偏狹固滯不足以見道橫渠易說

人多以

老成則不肯下問故終身不知又為人以道義先覺處

之不可復謂有所不知故亦不肯下問從不肯問遂生

百端欺妄人我寧終身不知

橫渠論語說

多聞不足以盡

天下之故苟以多聞而待天下之變則道足以酬其所

嘗知若劫之不測則遂窮矣

葉氏曰心通乎道則能盡夫事理之所以然故應變

而不窮不通乎道而徒事乎記問則見聞有限而事變無涯卒然臨之以所未嘗知則窮矣

橫渠孟子說下

同

為學大益在自求變化氣質不爾皆為人之弊卒

無所發明不得見聖人之奧

文要密察心要洪放

葉氏

曰文不密察則見理粗疎心不洪放則所存狹滯

語錄下同

不知疑者只是不便

實作既實作則須有疑有不行處是疑也

朱子曰人須是做工夫方

有疑初做時定是觸著相礙沒理會處如居敬窮理始初定分作兩段居敬則執持在此才動則便忘了

心大則百物皆通心小則百物皆病

朱子曰通是透得那道理處病則是

窒礙了心狹隘則事有窒礙不行如仁則流於姑息義則入於殘暴皆見此不見彼心小是卑陋狹隘事

物來都沒奈何打不去只見礙皆是病如要敬則礙和要仁則礙義要剛則礙柔為敬便一向拘拘為和便一

向放肆仁便煦煦姑息義便粗暴決裂心大便能容天下萬物有這物則有這理有那物則有那理竝行而不

相悖竝育而不相害問橫渠云心要洪放又云心大則百物皆通孫思邈云膽欲大而心欲小竊謂橫渠是

言心之體思邈是言心之用否曰

人雖有功不及於

學心亦不宜忘心苟不忘則雖接人事即是實行莫非

道也心若忘之則終身由之只是俗事

永按學不止讀書接人事無非

道即無非學實行與俗事特以心之所存者不同耳

合內外平物我此見道之

大端

朱子曰道只是致一公平之理而已

既學而先有以功業為意者

於學便相害既有意必穿鑿創意作起事端也德未成

而先以功業為事是代大匠斲希不傷手也

永按學成自能立功

業若先以此為志則穿鑿創造有害於道矣代大匠斲者傷其手老子語

竊嘗病孔孟既

沒諸儒囂然不知反約窮源勇於苟作持不逮之資而

急知後世明者一覽如見肺肝然多見其不知量也方

且創艾其弊默養吾誠顧所患日力不足而未果他為

也葉氏曰不知反約窮源故浮淺而無實默養吾誠則反約窮理之事也學未至而好

語變者必知終有患蓋變不可輕議若驟然語變則知

操術已不正葉氏曰變者非常行之道權宜之事也非見理明制義精者不足以與此凡

事蔽蓋不見底只是不求益有人不肯言其道義所得

所至不得見底又非於吾言無所不說永按學者於師友之前不肯自

言其所得之淺深惟恐人之知其底裏與顏子之無所不說而如愚者異矣耳目役於外

攬外事者其實是自墮不肯自治只言短長不能反躬

者也


永按好攬外事則自治輕徒言短長則躬行緩

學者大不宜志小氣輕

志小則易足易足則無由進氣輕則以求知為已知未

學為已學

永按志小者恆自畫氣輕者多虛夸



近思錄集註卷二